

唐
文
粹

詩
頌



卷十六
之二十

唐文粹卷第十六之上

古調九總七十四首

吳融 姚 鉉 纂

知已

仰荅韋司業垂訪五首 蕭頴士

博士鄭太守却之武陵立馬贈別 李白

携新文詣張籍韓愈途中成 賈島

喜陳懿老示新製三十餘篇 未晝 延康吟 賈島

交友

審交 孟郊

荅友問 白居易

北極贈李觀 韓愈 與馬異 結史 盧仝

規誨

示孟郊 孟浩然

白誠 司空圖

誠貪 釋子蘭

杏園即席上同年 曹鄴

紀贈

讀張曲江詩 釋皎然 上河陽李大夫 孟郊

奉贈張荊州 王昌齡 詠德上韋檢察 歐陽詹

贈崔從事 孟郊

散逸

漁父歌 李頎

紫谿翁歌 陸龜蒙

秋醉歌

張為

襄陽歌 李白

散人歌 陸龜蒙

貽張旭 李頎

春日醉起言志 李白

戲作花卿歌 杜甫

春宮詩 李賀

陝少
登覽

望廬山瀑布二首 李白

望山 賈島

登金陵鳳凰臺 李白

登黃鶴樓 崔顥

登嶺望 許鼎

過華陰 王昌齡

早霽南樓 張說

和早霽南樓 趙冬曦

奉陪登南樓 尹恣

春遊南亭 韋應物

廬山謠寄盧侍御 李白

南嶽謁司馬道士 張九齡

奉使登終南山 王灣

終南山望餘雪詩 祖詠

勝槩

桃源行 劉禹錫

桃源行 王維

和登會稽山 孫逖

洪州祈雨是日輒題賦詩 張九齡

寄贈宋十一田遊巖

荅田徵君 宋之問

龍門八詠 劉長卿

宣城青谿二首 李白

入崖口五渡寄李適 宋之問

荅宋十一見贈 李通

和崖口五渡 徐彥伯

初至崖口 宋之問

山中作 顧况

輞口遇雨憶終南山 裴迪

荅裴迪 王維

往南山下別業 薛據

夜歸鹿門歌 孟浩然

春泛若耶 綦毋潛

荆山獨往 姚係

歸四明 胡幽貞

尋西山隱者不遇 丘為

仰荅韋司業垂訪五首

蕭穎士

呦呦食羊鹿常飲清冷川但悅豐草美寧知牢饌鮮主人有幽意將以充林泉罕網幸免傷蒙君復羈牽高堂列衆賓廣坐鳴清絃俯仰轉驚惕徘徊獨憂煎緬懷雲

巖路欲往無由緣物各有所好違之傷自然
神龜在南國緬邈湘川陰遊止蓮葉上上歲時嘉樹林毒
蟲且不近斤斧何由尋錯落負奇文然煌耀丹金江山
萬里餘淮海阻且深獨保貞素質不為寒暑侵一逢聖
明代應見通靈心

晉代有儒臣當年富辭藻立言寄青史將以贊王道遼
落緬歲時辛勤歷江島且言風波倦撰涉豈為寶不遇
庾征西云誰展懷抱士貧乏知己安得成所好
彭陽昔游說願謁南郢都王果尚未達况從夷節謨豈
知晉叔譽無罪嬰囚拘臨難俟解紛獨知祁大夫舉讎
且不弃何必論親疎夫子覺者也其能遺我乎
關西一公子年貌獨青春被褐來上京翳然聲未振中
郎何為者倒屣驚座賓詞賦豈不佳盛名亦相因為君

奏此曲此曲多苦辛千載不可誣孰言今無人

傅平鄭太守自廬山千里相尋入江夏北市

門見之武陵立馬贈別 李白

大梁貴公子氣蓋蒼梧雲若無三千客誰道信陵君救
趙復存魏英威天下聞邯鄲能屈節博訪從毛薛夷門
得隱淪而與侯生親仍要鼓刀者乃是袖鉗人好士不
盡心何能保其身多君重然諾意氣遙相託五馬入市
門金鞍照城郭都忘虎竹貴且與荷衣樂去去桃花源
何時見歸軒相思終無極腸斷朗陵猿

携新文詣張籍韓愈途中成 賈島

袖有新成詩欲見張韓老青竹未生翼一步萬里道仰
望青冥天雲雪壓我腦失却終南山惆悵滿懷抱安得
西北風身願變蓬草地祗聞此語突出驚我倒

喜陳懿老自宛陵至示予新製三十餘篇

朱晝

一別一千日一日十二憶苦心無閑時今夕見王色玉
色復何異紅明含群德有文如星宿飛入我宵臆憂
方破懷懽喜重補塞使我心貌全且非黃金力將擊下
風手願假仙鸞翼予欲訪詩人孟郊故寄誠於章句

延康吟

賈島

寄居延壽里為與延康隣不愛延康里愛此里中人人
非十年故人非九族親人有不朽語得之煙山春

審交

孟郊

種樹須擇地惡土變木根結交若失人中道生謗言君
子芳桂性春濃寒更繁小人槿花心朝在夕不存莫躡
冬冰堅中有潛浪翻唯當金石交可與賢達論

荅友問

白居易

大圭廉不割利劍用不缺當其斬馬時良玉不如鐵置
鐵在洪鑪鐵銷易如雪良玉同其中三日燒不熱君疑
才與德詠此知優劣

北極贈李觀

韓愈

北極有羈羽南溟有沉鱗川源浩浩隔影響兩無因風
雲一朝會變化成一身誰言道里遠感激疾如神我年
二十五求衣昧其人哀歌西京市乃與夫子親所向苟
同趣賢愚豈異論方為金石姿萬世無緇磷無為兒女
態憔悴悲賤貧

與馬異結交

盧仝

天地日月如等閑盧仝四十無往還唯有一片心脾胃
嚙巖摧萃碑兀鬱律刀劍為鋒鋸平地放着高如崑崙

山天不容地不受日月不敢偷照耀神農畫八卦鑿破
天心曾女媧伏羲婦恐天怒擣鍊五色石引日月之針
五星之縷把天補補了三日不肯歸壻家走向日中放
老鷓月裏栽桂養蝦蟇天公發怒化龍蛇此龍此蛇得
死病神農合藥救死命天怪神農黨龍蛇罰神農為牛
頭令載元氣車不知藥中有毒藥藥殺元氣天不覺爾
來天地不神聖日月之光無定正不知元氣元不死忽
聞空中喚馬異馬異若不是祥瑞空中敢道不容易昨
日全不同異自異是謂大同而小異今日全自同異不
異是謂全不往兮異不至直當中兮動天地白玉璞裏
斷出相思心黃金鑲裏鑄出相思淚忽聞空中崩崖倒
谷聲絕勝明珠千萬斛買得西施南威一雙婢此婢嬌
饒惱殺人凝脂為膚翡翠裙唯解畫眉朱點唇自從獲

得君敲金縱玉凌浮雲却返顧一雙又婢子何足云平生
結交苦少人憶君眼前如見君青雲欲開白日沒天眼
不見此奇骨縱橫奇又奇千歲萬歲枯松枝半折半殘
壓山谷盤根感節成蛟螭忽雷霹靂卒風暴雨撼動欲
動不動千變萬化總是鱗皴皮此奇怪物不可欺盧仝
見馬異文章酌得馬異心中事風姿骨木恰如此是不
是寄一字

示孟郊

孟浩然

蔓草蔽極野蘭枝結孤根衆音何其繁伯牙獨不宣當
時高深意舉世無能分鍾期一見知山水千秋聞爾其
保靜節薄俗徒云云

自誠

司馬圖

我祖銘座右嘉謀貽厥孫勤此苟不怠令名日可存媒

街士所恥慙儉道所尊松栢豈不茂桃李亦自繁衆人皆察察而我獨昏昏取訓於老氏大辯欲訥言

誠貪

釋子蘭

名求待心足未足旋傾覆明知貪者心求榮不求辱

杏園即席上同年

曹鄴

歧路不在天十年行不至一旦公道開青雲在平地枕上數聲鼓衡門已如市白日探得珠不待驪龍睡念念出几衢僮僕顏色異故衣未及換尚有去年淚晴陽照花影落絮浮野翠對酒時忽驚猶疑夢中事自憐孤飛鳥得接鸞鳳翅永懷共濟心莫起胡越意

讀張曲江詩集

釋皎然

相公乃天啓人文佐生成立程正顏靡繹思何縱橫春杙弄緇綺陽林敷玉英飄然飛動姿邈矣高簡情後輩

驚失步前脩敢爭衡始欣耳目遠再使幾慮清體正力已全理精識何妙昔年歌陽春徒推郢中調今朝聽鸞鳳豈獨蘇門肅帝命鎮雄州詩流據上游才兼荆衡秀氣助瀟湘秋逸蕩子山匹經奇文暢儔沈吟未終卷變態紛難數濯耳代明璫襲衣比方杜惜惜玉聲寤寐在靈府

上河陽李大夫

孟郊

上將秉神略至兵無血威三軍向嚴冬一撫勝重衣寒劍奪衆景夜星失長暉蒼鷹獨立時惡鳥不敢飛武牢鑱天關河橋紐地機大軍奚與安守此稱者稀貧士少顏色貴門多輕肥試登山嶽高始見草木微山嶽恩既廣草木心皆歸

奉贈張荊州

王昌齡

祝融之峰紫雲銜翠如何其雪嶺岫邑西有路緣石壁
我欲從之財窮嵌魚有心兮脫網罟江無人兮鳴楓杉
王君飛鳥仍未去蘇耽宅中意遙緘

詠德上韋檢察即韋相公弟也歐陽詹

少華類太華太室似少室亞相與丞相亦復無異質亭
如月臨水肅若松照日輝影互光澄陰森兩葱鬱連枝
鸞鳳下同氣龜龍出併力葦夷心通儔整師律英豪願
迴席蠻貊皆屈膝中外行分途寰瀛待清謚

贈崔從事郎

古人留清風千載遙贈君破松見貞心裂竹看直文殘
月色不改高賢德常新家懷詩書富宅抱草木貧安排
一蹄泉未化千尺鱗含意永不語釣璜幽水濱

漁父歌

孟郊

白頭何老人蓑笠蔽其身避世常不仕釣魚清江濱浦
沙明濯足山月靜垂綸寓宿湍與瀨行歌秋復春持竿
湘岸竹藝火蘆洲薪淥水飯香稻青荷苞紫鱗於中還
自樂所欲全吾真而笑獨醒者臨流多苦辛

紫谿翁歌

陸龜蒙

紫谿翁過甫里先生舉酒相屬醉而歌曰
一立之木其柶深也屋吾容不辱一谿之石其居平也
席吾勞以息一竇之泉其音清也絃吾方在懸得乎人
得乎天吾不知所以然而然先生舟而賡之曰采江之
魚兮朝舩有鱸采江之蔬兮暮筐有蒲左圖且書右瑟
與壺壽歟天歟貴歟賤歟歌闕而去

秋醉歌

張為

金風颭已起還是招漁翁携酒天姥岑自彈嶧陽桐脫

却登山履赤脚翹青筇泉聲掃殘暑猿臂攀長松翠微
泛罇綠苔蘚分煙紅造化處術內相對數壺空醉眠嶺
上草不覺夜露濃一夢到天曉始覺一醉中皎然夢中
路直到瀛洲東初平把我臂相與騎白龍三留對上帝
上樓十二重上帝賜我酒送我敵金鍾寶閣香斂華琪
樹寒玲瓏動葉如笙簧音律相怡融珍重此一醉百骸
出天地長如此夢魂永謝名與利

襄陽歌

李白

落日欲沒峴山西倒著接籬花下迷襄陽小兒齊拍手
攔街爭唱白銅鞮傍人借問笑何事笑殺山公醉似泥
鸕鷀杓鸚鵡盃百年三萬六千日一日須傾三百盃遙
看漢水鴨頭綠恰似蒲萄初醱醅此江若變作春酒壘
麴便築糟丘臺金鞍駿馬喚小妾笑坐金鞍歌落梅車

傍側掛一壺酒鳳笙龍管行相催咸陽市上歎黃犬何
如月下傾金罍君不見晉朝羊公一片石龜龍剝落生
莓苔淚亦不能為之墮心亦不能為之哀清風明月不
用一錢買玉山自倒非人推舒州杓力士鎗李白與爾
同死生襄上雲雨今安在江水東流猿夜聲

散人歌

陸龜蒙

江湖散人天骨竒短髮搔來蓬半垂手捉孤篁曳寒繭
口誦太古滄浪詞詞云太古萬萬古民性甚埜音無風
期夜棲正與禽獸雜獨自構架縱橫枝因而稱曰有巢
氏民共敬貴如君師當時只効烏鵲輩豈是有意陳尊
卑無端後聖穿數金破一派前導千流隨多方惱亂元氣
死日使父子生姦欺聖人事業轉消耗尚有漁者存熙
熙風波不獨因一士凡百器具皆能施足踈扈腐鱸鱖

脫止失檢馭無諱晚庇人間所謂好男子我見婦女留鬚
眉奴顏婢膝真乞丐反以正直為狂癡所以頭欲散不
散弁義魏所以晒敗欲散不散珮陸離行散任之適坐散
從傾敬語散空公口應笑散春容披衣散單復便食散酸
醜宜書散混真苦酒散甘醇醜屋散任斜直樹散行參
差客散忘簪屨人禽散虛籠池外物一以散中心散何疑
不共諸侯分邑田土不與天子專隍陴靜則守桑柘亂則
逃妻兒金鑣紳帶未嘗識白刃殺我窮生為或聞蕃將
負恩澤號令鐵馬如風馳大君年小丞相少當軸自請
都旌旗神鋒悉出羽林仗繪畫日月蟠龍螭太宗基業
甚牢固小醜背叛當殲夷禁軍近自肅宗署抑遏輔國
爭雄雌必然大段剪兇逆須召勁勇扶軍麾四方賊壘
猶占地死者暴骨生寒飢歸來輒擬何鋤笠詬吏已責
散人號

貽張旭

李頎

租錢送興師十萬一日費不啻千金何以支抵今利口
且箕歛何暇俛首哀憫嫠均荒補敗豈無術布在方策
撐頹隲冰霜襦袴易反掌白面諸郎殊不知江湖散人
悲古道悠悠幸守義為皇傲官家未議活蒼生拜賜江湖
散人號

春日醉起言志

李白

張公性嗜酒豁達無所營皓首窮草隸時稱太湖精露
頂據胡牀長叫三五聲興來灑素壁揮筆如流星下舍
風蕭條寒草滿戶庭問家何所有生事猶浮萍左手持
蟹螯右手執丹經瞪目視霄漢不知醉與醒諸賓且方坐
旭日臨東城荷葉裏江魚白甌貯香粳微祿心不泄放
神於八紘時人不識者即是安期生

處世若大夢胡為勞其生所以終日醉頽然卧前楹覺
來眄庭前一鳥花間鳴借問此何時春風語流鶯感之
欲嘆息對酒還自傾浩歌待明月曲盡已忘情

戲作花卿歌

杜甫

成都猛將有花卿學語小兒知姓名用如快鷲風火生
見賊唯多身始輕絳州副使著柘黃我卿掃除即日平
子章髑髏血模糊手提擲還崔大夫李侯重有此節度
人道我卿絕世無既稱絕世無天子何不喚取守京都

秦宮詩并序

李賀

秦宮漢將軍梁冀之嬖奴也秦宮得寵內舍故以驕名
大譟於人子撫舊而作辭似與憑子都之事相為對望
又欲二其昔有之詩

越羅夾衫迎春風玉刻騏驎腰帶紅樓頭曲宴仙人語

帳底吹笙煙務濃人間酒暖春茫茫花枝入簾白日長
飛窓複道傳籌飲半夜朦朧膩燭黃禿襟小袖調鸚鵡
些繡絲遐踏燒虎斫柱燒金待曉筵白鹿清蘇夜來煮
桐英水巷騎主馬內屋珍屏生色盡開門爛用水衡錢
卷起黃河向身瀉皇天厄運猶曾裂秦宮一生花裏活
亦為筮奪得不還人醉卧鸞能滿堂月

望廬山瀑布泉一首

李白

西登香爐山南見瀑布水挂流三百丈噴壑數千里欻
如飛電來隱若白虹起初驚河漢落半灑雲天裏仰觀
勢轉雄壯哉造化功海風吹不斷江月照還空空中亂
激射左右洗青壁飛珠散輕霞流沫沸穹石而我遊名
山對之心益閑且諧宿所好永願辭人間

日照香爐生紫煙遙看瀑布挂長川飛流直下三千

尺疑是銀河落九天

望山

賈島

南山三十里不見踰一旬
冒雨時立望望之如朋親
虬龍一掬波洗蕩千萬春
日日雨不斷愁殺望山人
天事不可長勁風來如奔
陰淫一已掃浩翠寫國門
長安百萬家家張屏新
誰家最好山我願為其隣

登金陵鳳凰臺

李白

鳳凰臺上鳳凰遊
鳳去臺空江自流
吳時花草埋幽徑
晉國衣冠成古丘
三山半落青天外
二水中分白鷺洲
縱為浮雲能蔽日
長安不見使人愁

登黃鶴樓

崔顥

昔人已乘白雲去
茲地空餘黃鶴樓
黃鶴一去不復返
白雲千載空悠悠
晴川歷歷漢陽樹
春草青青鸚鵡洲

日暮鄉關何處是煙波江上使人愁

登嶺望

許鼎

淼淼三江水悠悠五嶺關
鴈飛猶不度人去若為還

過華陰

王昌齡

雲起太華山雲山互明滅
東峰始含景了了見松雪
羈人感幽棲宵映轉奇絕
欣然忘所疲永望吟不輟
信宿百餘里出關玩新月
何意昨暝暝遇物遂遷別
人生屢如此何以肆愉悅

早霽南樓

張說

山水佳新霽南樓
翫初旭夜來枝半紅
雨後洲全綠四運相終始
萬形紛代續適臨青草湖
再變黃鸞曲地穴穿東武
江流下西蜀歌聞枉渚
遶舞見長沙促心遠居
無陋神和生自足白髮
愁上春知常謝先欲

奉和早霽南樓

趙冬曦

開曙躋南樓凭軒四遐矚物華蕩暄氣春景媚晴旭川
霽湘山孤林芳楚郊緝列巖重疊翠遠岸逶迤綠風帆
摩天垠漁艇散灣曲鴻歸鶴舞送猿叫鶯斷續群動皆
熙熙意予獨羈束常欽才子義忌鵬傷蹉跎雅尚騷人
文懷沙何迫促未知二賢意去矣從所欲

奉陪登南樓

尹恁

君子每垂眷江山共流眄水遠林外鳴巖近霧中見終
日西北望何處是京縣屬登高春臺徒使淚如霰

春遊南亭

韋應物

川明氣已變巖寒雪尚擁南亭草心綠春塘泉脉動景
煦聽禽響雨餘看柳重道遙池館華益愧專城寵

廬山謠寄盧侍御虛舟

李白

我本楚狂人鳳歌笑孔丘手持綠玉枝朝別黃鶴樓五
嶽尋仙不辭遠一生好入名山遊廬山秀出南斗傍屏
風九疊雲錦張影落明湖青黛光金闕前開二峯帳銀
河倒瀉三石梁香爐瀑布遙相望迴崖沓嶂凌蒼蒼翠
影紅霞映朝日鳥飛不到吳天長登高壯觀天地間大
江茫茫去不還黃雲萬里動風色白波九道海雪山好
為廬山謠興因廬山發閑窺石鏡清我心謝公行處蒼
苔沒早服還丹無世情琴心三疊道初成遙見仙人綵
雲裏手把芙蓉朝玉京先期汗漫九垓上願接盧敖遊
太清

登南嶽事畢謁司馬道士

張九齡

將命祈靈嶽迴策詣真士絕跡尋一逕異香聞數里分
庭八桂樹肅容兩童子入室希把面登牀願啓齒誘我

弃智詠迨茲長生理吸精反自然鍊藥求不死斯言眇
霄漢顧予嬰紛滓相去九牛毛慙歎荷知己

奉使登終南山

王灣

常愛南山遊因而盡原隰數朝至林嶺百仞登嵬岌石
壯馬徑窮苔色步緣入物竒春狀改氣遠天香集虛洞
策杖鳴低雲拂衣濕倚巖見廬舍人戶欣拜揖問性矜
勤勞示心教澄習玉英時共飲芝草爲余拾境絕人不
行潭深鳥空立一乘從此受九轉兼是給辭處若輕飛
憇來唯吐吸閑襟超已勝迴路倏而及煙色松上深水
流山下急漸平逢車騎向晚睨城邑峯在野趣繁塵飄
宦情緝辛苦久爲吏勞生何妄執日暮懷此山悠然賦
斯什

終南山望餘雪作

祖詠

終南陰嶺秀積雪浮雲端林表明霽色城中增暮寒

桃源行

劉禹錫

漁舟何招招浮在武陵水拖綸擲餌信流去誤入花源
行數里清源尋盡花絲絲踏花覓逕至洞前洞門蒼暗
煙霧生暗行數步逢虛明俗人毛骨驚仙子爭來致詞
何至此須臾皆破水雪顏笑言委曲問世間因嗟隱身
來種玉不知人世如風燭筵羞石髓勸客餐_燈熟松脂
留客宿鷄聲犬聲遙相聞曉光惹龍開玉雲漁人振衣
起出戶滿庭無路花紛紛翻然恐失鄉縣處一息不肯
桃源住桃源滿溪水似鏡塵心如垢洗不去仙家一出
尋無蹤至今流水山重重

桃源行

王維

漁舟逐水愛山春兩岸桃花夾古津坐看紅樹不知遠

行盡青溪忽值人山口潛行始隈隩山開曠望旋平陸
遙看一處攢雲樹近入千家散花竹樵客初傳漢姓名
居人未改素衣服居人共住武陵源還從物外起田園
月明松下房櫳淨日出雲中雞犬喧鷲聞俗客爭來集
競引還家問都邑平明間巷掃花開薄暮漁樵乘水入
初因避地去人間及至成仙去不還峽裏誰知有人事
世中遙望空雲山不疑雲境難聞見塵心未盡思鄉縣
出洞無論隔山水辭家終擬長遊衍自謂經過舊不迷
安知峰壑今來變常時只記入山深青溪幾度到雲林
春來遍是桃花水不辨仙源何處尋

同前和登會稽山

孫逖

稽山碧湖上勢入東溟盡煙景晝清明九峰爭隱憐望
中厭朱紱俗內探玄牝野老聽鳴驪山童擁行軫仙花
寒未落古蔓柔堪引竹間入霜多松崖向天近雲從海
人去日就江村隕能賦丘嘗聞和歌參不敏冥搜信沖
漠多士期標準願奉濯纓心長謠反招隱

洪州西山祈雨是日輒應賦詩言事 張九齡

茲山蘊靈異走望良有歸丘禱雖已久耻心難重違
明申藻薦先夕旅巖扉獨宿雲峰下蕭條人吏稀我來
不外適幽抱自中微靜入風泉奏涼生松栝圍窮年滯
遠想寸晷閱清暉虛美悵無屬素情緘所依詭隨嫌弱
操霸束謝貞肥義濟亦吾道誠存為物祈

贈荅弘農青巖曲有盤石可坐宋十一每拂拭

待余寄詩贈之云

田遊巖

信彼稱靈石居然狎遁棲徘徊承翠巘斌駮帶深溪夕
陰起層岫清景半虹蜺風來應嘯阮波動可琴嵇僕之

頴陽客望彼空思齊儻見山人至簪蒿且杖藜

敬荅田徵君

宋之問

家臨清溪水溪水繞盤石綠蘿四面垂裊裊百餘尺風
泉度絲管苔蘚鋪茵席傳聞頴陽人霞外漱靈液忽枉
巖中翰吟望朝復夕何當遂遠遊物色候逋客

龍門八詠 關口

劉長卿

秋山向搖落秋水急波瀾獨見魚龍氣長令煙雨寒誰
窮造化力空向兩崖看

水西渡

伊水搖鏡光纖鱗如不隔千龕道旁言一鳥沙上白何
事還山雲能留向城客

水東渡

山葉傍崖赤千峰秋色多夜泉發清響寒渚生微波稍

見沙月上歸人爭渡河

福公塔

寂寞對伊水經行長未還東流自朝暮千載空雲山誰
見白鷗鳥無心洲渚間

遠公龕

松露向精舍花龕歸老僧閑雲揚錫杖落日低金繩入
夜翠微裏千峰明一燈

石樓

隱隱見花閣隔河映青林水田秋鴈下山寺夜鍾深寂
寞羣動息風泉清道心

渡水

日暮下山來千山暮鍾發不如波上棹還弄山中月伊
水連白雲東南遠明滅

下山

誰識往來意孤雲長自閑風寒未渡水日暮更看山木
落衆峰白龍宮蒼翠間

宣城青谿二首

李白

清谿清我心水色異諸水借問新安江見底何如此人
行明鏡中鳥度屏風裏向曉猩猩啼空悲遠遊子
青谿勝桐廬水木有佳色山兒日高古石容天傾側絲
鳥昔禾名白猿初相識不見同懷人對之空歎息

入崖口五渡寄李適

宋之問

抱琴登絕壑棧木泝清川路極意謂盡勢廻趣轉絲人
遠草木秀山深雲景鮮余負海嶽情自昔微尚然彌曠
十餘載今來宛仍全未窺仙源極獨進野人舩時攀乳
竇憇屢薄天窻眠夜絃響松月朝檝弄苔泉因冥象外

理永謝區中緣碧潭可遺老丹砂堪學仙莫使馳光暮
空令歸鶴憐

答宋十一崖口五渡見贈 李適

聞君訪遠山躋險造幽絕眇然青雲境觀竒彌年月登
嶺亦泝谿孤舟事公越寧嶂傳彩翠崖磴互欹缺石林
上攢叢金澗下明滅捫壁窺丹井梯苔瞰乳穴忽枉巖
中贈對玩未嘗輟殷勤獨徃事委曲鍊藥說邀余名山
期從爾泛海滋歲晏秉宿心斯言匪從設

和崖口五渡

徐彦伯

聞有獨徃客拂衣捐世心結竹薄枉渚撰念縈舊林經
亘去崖合冥跡歸壑深琪樹環碧彩金潭生翠陰洄
沓沙榜詭及眺明岑夕聞桂裏猿曉翫松上禽雜珮蘊
孤神瓊敷綴雙杵我懷滄洲想懿爾白雲吟秉願理方

叶存期跡易尋茲言庶不負為報巖中琴

初至崖口

宋之問

崖口舉山斷嶽峯聳天壁氣衝落日紅影入春潭碧錦
續織苔蘚丹青畫松石水禽泛容與巖花飛的皪微路
從此深我來限于役惆悵情未已群峰黯將夕

山中作

顏況

野人愛向山中宿况在葛洪丹井西庭前有箇長松樹
夜半子規來上啼

輞口遇雨憶終南山

裴迪

積雨晦空曲平沙滅浮彩輞水去悠悠南山復何在

荅裴迪

王維

森森寒流廣蒼蒼秋雨晦君問終南山心向白雲外
出青門住南山下別業

薛據

舊居在南山夙駕自城闕榛莽相蔽虧去爾漸超忽散
漫餘雪晴蒼蒞季冬月寒風吹長林白日原上沒懷抱
曠早申相知阻胡越弱年好棲隱鍊藥在巖窟及此離
垢氛興來亦因物未路期赤松斯言庶不伐

夜歸鹿門歌

孟浩然

山寺鳴鐘晝已昏魚梁渡頭爭渡喧人隨沙道向江村
子亦乘舟歸鹿門鹿門煙月照中樹忽到龐公棲隱處
巖扉松徑長寂寥唯有幽人外來去

春泛若耶

綦毋潛

幽意無斷絕此去隨所偶晚風吹行舟花路入谿口際
夜轉西壑隔山望南斗潭煙飛溶溶林月低向後生事
且彌漫願為持竿叟

荆山獨往

姚係

宿昔山水上抱琴聊躑躅山遠去難窮琴悲多斷續
重丹陽樹泉咽聞陰谷時下白雲中滄留秋水曲秋水
石欄深潺湲如噴玉雜芳被陰岸墜露方消綠恣比平
生懷獨遊還自足

歸四明

胡幽貞

海色連四明仙舟去容易天籍豈輒問不是早朝士

尋西山隱者不遇

丘為

絕頂一茅茨直上三十里扣關無童僕窺室唯案几
非中柴車應是釣秋水差池不相見僂佺空仰止草色
新雨中松聲晚窓裏及茲契幽絕自足盪心耳雖無冥
主意頗得清淨理興盡方下山何必待之子

唐文粹卷第十六上

唐文粹卷第十六之下

古調

總四十四首

幽居

百丈谿新理茅茨讀書

閻汝

吳興姚

鉉

纂

家叔徵君東谿草堂二首

寒食陸渾別業

宋之問

題東谿公幽居

李白

宿裴有書齋

李觀

訓暉上人見贈

贈宣州元處士

杜牧

東谿玩月

王昌齡

即事寄舍弟姪

岑參

長安秋夕

戎昱

貽池陽谷口元贊善

李端

山居

宿裴氏山莊

王昌齡

山中作

沈千運

入山寄城中故人

王維

獨遊

王昌齡

過張邯鄲莊

姚合

宿王昌齡隱居

常建

訪陸羽處士

釋皎然

初春

王績

留贈字文中丞暢當

村居沈亞之

贈劉藍田王維

退居孟郊

渭川田家王維

傷數

秦中吟十首白居易

憫農李紳

石壕吏杜甫

辛苦吟于賈

田家詞元稹

傷田家聶夷中

采玉行韋應物

茶山作袁高

野老歌張籍

野行姚合

百丈谿新理茅茨讀書

閻防

浪迹弃人世還山自幽獨始傍巢由蹤吾其獲心曲
庭何所有老樹半空腹秋蛩鳴北林暮鳥穿我屋
栖遲樂遵渚恬曠寡所欲開卦推盈虛散帙攻節目
養閒度人事達命知止足不與字東國儒俟時勞
伐輻

家叔徵君東谿草堂二首

盧象

關山十餘里青嶽森相倚欲識堯時天東谿白雲是雷
聲轉幽壑雲氣香流水澗影生蟲蛇巖端翳杞梓大道
終不易君恩曷能已鶴羨無老時龜言攝生理浮年笑
六甲元化潛一指未暇掃雲梯空慙阮家子
今朝共遊者得性閑未歸已到仙人家莫驚鷗鳥飛水
深巖公釣松桂巢父衣雲氣轉幽寂谿流無是非名理
未足羨腥臊詎所稀自惟負貞意何歲當食薇

寒食陸渾別業

宋之問

洛陽城裏花如雪陸渾山中今始發旦別河橋楊柳風
夕卧伊川桃李月伊川桃李正芳新寒食山中酒復春
野老不知堯舜力酣歌一曲太平人

題東谿公幽居

李白

杜陵賢人清且廉東谿卜築歲將淹宅近青山同謝朓
門垂碧柳似陶潛好鳥迎春歌後院飛花送酒舞前簷
客到但知留一醉盤中只有水精鹽

宿裴有書齋

李觀

卧君山窻下山鳥與我言清風何颼颼松栢中夜繁
久遊失啼趣宿此似故園林煙橫近郊谿月落古原
稚子不待曉花間出柴門

訓暉上人夏日林泉見贈 陳子昂

聞道白雲居窈窕青蓮宇巖泉萬丈流樹石千年古
林卧對軒窻山陰滿庭戶方釋塵中事從君襲蘭杜

贈宣州元處士

杜牧

陵陽北郭隱身世兩忘者蓬蒿一畝居寬於一天下
樽酒對不酌默與玄相話人生自不足愛嘆遭逢寡

東谿玩月

月從斷山口遙吐柴門端萬木紛空霽流陰中夜攢光
連虛象白氣與風露寒谷靜秋泉響巖深青靄殘澄清
入幽夢影破抱空戀恍忽琴窻裏松谿曉思難

太白東谿張老舍即事寄舍弟姪等 岑參

渭上秋雨過北風暮騷騷天晴諸山出太白峰最高
主人東谿老兩耳生長毫遠近知白歲子孫皆二毛
中庭井欄上一架彌猴桃石泉飯香祝酒甕開新糟
愛茲田中趣始悟世上勞我行有勝事書此寄爾曹

長安秋夕

八月更漏長愁人起常早閉門寂無事滿地生秋草
昨宵西窻夢先入荆門道遠客歸去來在家貧亦好

貽池陽谷口元贊善

李端

入谷逢君來秋泉已難涉林間人獨坐月下山相接重
露濕蒼苔明燈照黃葉故交一不見素志何稠疊

宿裴氏山莊

王昌齡

蒼蒼竹林暮吾亦知所投靜坐山齋月清谿聞遠流西
峯下微雨向晚白雲收遂解塵中組終南春可遊

山中作

沈千運

棲隱別無事所願早離塵不辭城邑遊禮樂拘束人適
來歸山林庶事皆吾身何者為形骸誰是智與仁寂寞
了閑事然後知天真咳唾驚榮華迂俯相屈伸如何巢
與由天子不得臣

入山寄城中故人

王維

中歲頗好道晚家南山垂興來每獨往勝事空自知行
到水窮處坐看雲起時偶然值林叟談笑無迴期

獨遊

王昌齡

林卧情每閑獨遊景常晏時從灞陵下垂釣往南澗手
携雙白魚目送千里鴈悟彼飛有適知此罹憂患放之
清冷泉因得首踈慢水惟青岑客迴首白雲間神超物
無違豈繫名與宦

過張邯鄲莊

姚合

客行長似病煩熱攻四支到君讀書堂忽若逢良醫堂
前水交流堂下樹交枝兩門延風涼洗我昏濁肌與子
還往熟行坐恣所宜時時相獻酬文字當酒卮野飯具
蒸藿永日亦不飢苟食非其所鱠炙為羨藜時清上人
閑耕者唯文詞豈獨鄉里薦當取四海知

宿王昌齡隱居

常建

青溪深不測隱處唯孤雲松際露微月清光猶為君茅

亭宿花鳥藥院滋苔紋余亦謝時去西山鸞鶴群

訪陸羽處士

釋皎然

太湖東西路吳王古山前所思不可見歸鴈自翩翩何
山賞春茗何處弄春泉莫是滄浪子悠悠一釣船

初春

王績

前旦出園遊林華都未有今朝下堂望池水開已久雪
避南軒梅風催北庭柳遙呼竈前妾却報機中婦年光
恰恰來滿甕營春酒

南充謝郡客遊澧州留贈宇文中丞 暢當

僕本濩落人辱當州郡使量力頗及早謝歸今即已蕭
蕭若凌虛矜帶頓銷靡車服率然來涪陽作遊子鬱
寡開顏默默獨行李忽逢平生友一笑方在此秋情寧
風日楚思浩雲水為語弋林者冥冥鴻遠矣

村居

沈亞之

無樹巢宿鳥無酒共客醉月上蟬韻殘
梧桐陰繞地獨出村舍門吟處微風起
蕭蕭蘆葦叢叫嘯如山鬼應緣我憔悴為我哭秋思

贈劉藍田

王維

籬間犬迎吠出屋候荆扉歲晏輸井稅
山村入夜歸晚田始家熟餘布成我衣
詎肯無公事頌君問是非

退居

孟郊

退居何食可敗力不得閑種稻耕白米
負薪斫青山衆聽喜巴唱獨醒愁楚顏
日暮靜歸時幽幽扣松關

渭川田家

王維

斜光照墟落深巷牛羊歸野老念牧童
倚杖候荆扉雉雉麥苗秀蠶眠桑葉稀
田夫荷鋤至相見語依依羨此

良閑逸張然歌式微

秦中吟十首并序

白居易

貞元元和之際予在長安聞見之間有足悲者因直歌其事命為秦中吟

議婚

天下無正聲悅耳即為娛人間無正色悅目即為姝聲色非相遠貧富則有殊貧為時所弃富為時所趨紅樓富家女金縷繡羅襦見人不斂手嬌癡二八初母兄未開口已嫁不須更綠窻貧家女寂寞二十餘荆釵不直錢衣上無真珠幾回人欲聘臨日又踟躕主人會良媒置酒滿玉壺四座且勿飲聽我歌兩途富家女易嫁嫁早輕其夫貧家女難嫁嫁晚孝於姑聞君欲娶婦娶婦意何如

重賦

厚地植桑麻所要濟生民生民理布帛所求活一身身外充征賦上以奉君親國家定兩稅本意在憂人厥初防其濫明敕內外臣稅外加一物皆以枉法論柰何歲月久貪吏得因循役我以求寵斂索無冬春織絹未成匹線絲未盈斤里胥迫我納不許暫逡巡歲暮天地閉陰風生破村夜深煙火滅霰雪落紛紛幼者形不蔽老者體無溫悲喘與寒氣併入鼻頭辛昨日輸殘稅因窺官庫門繒帛如山積絲絮似雲屯號為羨餘物隨月獻至尊奪我身上暖買爾眼前恩進入瓊林庫歲久化為塵

傷宅

誰家起甲第朱門大道邊豐屋中櫛比高墉外廻環

累六七堂棟宇相勾連一堂費百萬鬱鬱起青煙洞房
溫且清寒暑不能干高堂虛且迴坐卧見南山繞廊紫
藤架夾砌紅藥欄攀枝摘櫻桃帶花移牡丹主人此中
坐十載為大官厨有臭敗肉庫有朽貫錢誰能將我語
問爾骨肉間豈無貧賤者忍不救飢寒如何奉一身直
欲保千年不具馬家宅今作鳳城園

傷友

陋巷孤寒士出門苦栖栖雖云志氣在豈免顏色低平
生同門友通籍在金閨曩昔膠漆契瀾來雲雨睽正逢
下朝歸軒騎五門西是時天久陰三日雨淒淒蹇驢避
路立肥馬當風嘶迴頭忘相識占道上沙堤昔年洛陽
社貧賤相提携今日長安道對面隔雲泥近日多如此
非君獨慘悽死生不變者唯聞任與黎

不致仕

七十而致仕禮法有明文何乃貪榮者斯言如不聞可
憐八九十齒墮雙眸昏朝露貪名利夕陽憂子孫挂冠
顧翠綫懸車惜朱輪金章腰不勝偃僕入公門誰不愛
富貴誰不戀君恩年高須告老名遂合退身少時共嗤
謂晚歲多因循賢哉漢二疎彼獨是何人寂寞東門路
無人繼去塵

立碑

勲德既下衰文章亦陵夷但見山中石刻作路傍碑銘
勲悉太公敘德皆仲尼復以多為貴千言直萬貫為文
彼何人想見下筆時但欲愚者悅不思賢者嗤豈獨賢
者嗤仍傳後代疑古石蒼苔字安知是愧辭我聞望江
縣魏陵今名在官有仁政名不聞京師身歿

欲歸葬百姓遮路歧攀轅不得去留葬此江湄至今道
其名男女涕皆垂無人立碑碣唯有邑人知

輕肥

意氣驕滿路鞍馬光照塵借問何為者人稱是內臣朱
紱皆大夫紫綬或將軍誇赴軍中宴走馬去如雲罇罌
溢九醞水陸羅八珍果擘洞庭橘鱠切天池鱗食飽色
自若酒酣氣益振是歲江南旱衢州人食人

五弦

清歌且罷唱紅袂亦停舞趙叟抱五弦宛轉當曾撫大
聲粗音若散颯颯風和雨小聲細欲絕切切鬼神語又
如鵲報喜轉作啼猿苦十指無定音顛倒宮徵羽坐客
聞此聲形神若無主行客聞此聲駐足不能舉嗟嗟俗
人耳好今不好古所以北窻琴日日生塵土

歌舞

秦城歲云暮大雪滿皇州雪中朝退者朱紫盡公侯貴
有風雲興富無飢寒憂所終唯第宅所務在追遊朱輪
車馬客紅燭歌舞樓歡酣從密座醉暖脫重裘秋官為
主人廷尉居上頭日中一為樂夜半不能休豈知闕鄉
獄中有凍死囚

買花

帝城春欲暮諠諠車馬度共道牡丹時相隨買花去貴
賤無常價酬直看花數灼灼十朵紅幾幾五束素上張
幕屋庇旁織筓籬護水灑復泥封移來色如故家家習
為俗人人迷不悟有一田舍翁偶來買花處低頭獨長
歎此歎無人諭一叢深色花十戶中人賦

憫農二首

李紳

春種一粒粟秋收萬顆子四海無閑田農夫猶餓死
鋤禾日當午汗滴禾下土誰知盤中餐粒粒皆辛苦

石壕吏

杜甫

暮投石壕村有吏夜捉人老翁踰墻走老婦出門看吏
呼一何怒婦啼一何苦聽婦前致詞三男鄴城戍一男
附書至二男新戰死在者且偷生死者長已矣室中更
無人所有乳下孫有孫母未去出入無完裙老嫗身雖
衰請從吏夜歸急應河陽役猶得備晨炊夜久語聲絕
如聞泣幽咽天明登前途獨與老翁別

辛苦吟

于瀆

壠上扶犁兒手種腹長飢窻下擲梭女手織身無衣我
願燕趙姝化為嫫母姿一笑不直錢自然家國肥

田家詞

元稹

牛吒吒許角田确确旱塊敲牛蹄趵趵音種得官倉珠
顆穀六十年來兵簇簇月月倉糧車轆轤一日官軍收
海服驅牛駕車食牛肉歸來收得牛兩角重鑄鋏犁作
斤斲姑春婦擔輸促促輸官不足歸賣屋農死有兒牛
有犢不遣官軍糧不足

傷田家

聶夷中

二月賣新絲五月糶新穀醫得眼前瘡剗却心頭肉我
願君王心化作光明燭不照綺羅筵偏照遊亡屋

采玉行

韋應物

官府徵白丁言采藍溪玉絕嶺夜無人深榛雨中宿獨
婦餉糧還哀哀舍南哭

茶山作

袁高

禹貢通遠俗所圖在安人后王失其本職吏不敢陳亦

有姦佞者因茲欲求伸動立千金費日使萬姓貧我來
顧渚源得與茶事親吐穀耕農米採採實苦辛一夫且
當役盡室皆同縶捫葛上歌壁蓬頭入采撿終朝不盈
掬手足皆皴鱗悲嗟遍空山草木為不春陰嶺芽未吐
使者牒已頻心爭造化力先走挺塵均選納無晝夜擣
聲昏繼晨衆工何枯槁俯視彌傷神皇帝尚巡狩東郊
路多堙周迴迷天涯所獻逾艱勤况減兵革困量茲固
疲民未知供御餘誰合分此珍顧省忝邦守又慙復因
循茫茫滄海間丹憤何由申

野老歌

張籍

老翁家貧在山住耕種山田三四畝苗疎稅多不得食
輸入官倉化為土歲暮鋤犁倚空室呼兒登山收橡實
西江賈客珠百斛船中養犬長食肉

野行

姚合

客行野田間比屋皆閉戶借問屋中人盡去作商賈官
家不稅商稅農服作苦居人競東西道路侵墮畝採玉
上山顛探珠入水府邊兵索衣食此物同泥土古來一
人耕三人食猶飢如今千萬家無一把鋤犂我倉常空
虛我田生蒺藜上天不雨西米何由活蒸藜

晉府

勅賜養德書院校正重刊

唐文粹卷第十六之下

唐文粹卷第十六之下

唐文粹卷第十七之上

古調十一 總五十九首

吳興姚 鉉 纂

寺觀

始除尚書郎別善福精舍 韋應物

寄閩防 劉春虛 題鶴林寺 薛據

題破山寺後禪院 常建 琅邪山寺 韋應物

簡寂觀西澗瀑布下作 韋應物

五老峰大明觀贈隱者 姚係

石門墨山二山相連有禪堂道觀天下絕境 張說

題思禪寺上方獨孤及

仙遊寺有龍潭穴弄玉祠 李華 遊棲霞寺 顧況

四皓廟 元稹 魚山神女歌辭二首 王維

古社 元稹

廟社

邊塞

虜患 張陵 代北州老翁答 張謂 遼西 崔顥

圖畫

王處士草堂壁畫衡霍諸山劉長卿

題劉相公三湘圖郎士元

觀于舍人壁畫山水王季友

題遐上人院壁畫古松歌朱灣畫竹歌白居易

觀李湊畫美人障子劉長卿

古器物

石鼓歌韓愈古劍歌郭元振磨鏡篇劉禹錫

贈友人古鏡朱晝團扇歌劉禹錫

樂器

彈琴劉希戩江上琴興常建

聽蜀僧彈琴李白

奉和張舍人閣中直夜思聞雅琴因書事呂溫

聽彈風入松贈楊補闕王昌齡

金陵聽韓侍御吹笛李白武昌老人說笛歌劉禹錫

草木

題老張松樹宋之問古栢行杜甫

與東方左史脩竹篇陳子昂種竹元稹

竹逕偶作權德輿露青竹鞭歌顧況

暑日題道邊樹王穀井上桐陸龜蒙

石上藤岑參兔絲元稹春草謠顧況

禽鳥

王兵馬使二角鷹杜甫觀放白鷹李白

飛鳶操劉禹錫百舌吟劉禹錫鸚鵡詞蘇郁

鴛鴦篇陳子昂子規啼韋應物鷓鴣吟劉禹錫

春蟬元稹江上蚊子韋楚老

道路

戲題關門岑參門前路陸龜蒙

始除尚書郎別善福精舍韋應物

簡略非世器委身同草木逍遙精舍居飲水自為足累日曾一櫛對書常嬾讀社臘會高年山川恣遊矚明世方選士中朝懸美祿除書忽到門冠帶便拘束愧忝郎

署迹謬蒙君子錄俯仰垂華纓飄飄翔輕轂行將親愛
別戀此西澗曲遠峯明夕川夏雨生衆綠迅風飄野路
迴首不遑宿明晨下煙闕白雲在幽谷

寄閩防時在終南山豐德寺讀書劉杳虛

青暝南山色君與緇錫鄰深路入古寺亂花隨暮春紛
紛對寂寞往往落衣巾松色空照水經聲時有人晚心
復南望山遠情獨親應以脩往業亦惟立此身深林度
空夜煙月資清真莫嘆文明日彌年從隱淪

題鶴林寺

薛據

道門隱形勝向背臨法榻松覆山殿冷花藏溪路遙
珊瑚寶燄挂燄燄明燈燒日半空谷春風連上潮少憑
水木興暫忝身心調願與携手客茲山禪侶饒

題破山寺後泓院

常建

清晨入古寺初日明高林竹徑通幽處禪房花木深山
光悅鳥性潭影空人心苗兩籟此都寂但餘鍾磬音

琅邪山寺

韋應物

受命恤人隱茲遊久未白廷鳴騶響幽澗前旌耀崇岡青
冥臺砌寒綠縹草木香培壑墜花界疊石構雲房經制
隨巖轉繚繞豈定方新白水洩陰壁高蘿蔭綠塘攀林一
樓止飲水得清涼還歸山土郡閣但見山蒼蒼

簡寂觀西澗瀑布下作

淙流絕壁散靈煙翠澗深巖際松風起飄颻灑塵襟窺
蘿翫猿鳥解組傲雲林艾果邀真侶觴酌洽同心曠歲
懷茲賞行春始重尋聊將橫吹曲一寫山水音

五老峯大明湖贈隱者

姚係

雲觀此山北與君携手絲林端涉橫水洞口入斜暉乍

竟鸞鶴邈忽為煙霧飛故人清和客默會琴心微丹術
辛可授青龍當未歸悠悠心平生意此日復相違

石門墨山二山相連有禪堂道觀天下絕境張說
茵輪江上山近在華容縣常陟巴丘首天晴遙可見佳
遊屢前諾芳月愆幽眷及此符守移歡言臨道便既携
賞心客復有送行掾竹徑入陰宵松崖上空蔭草共林
一色雲與峰萬變探窺石門斷緣越沙澗轉兩山勢爭
雄峯巘相顧眄藥妙靈仙寶境華巖壑選清都西荆絕
金地東敞宴池果接園畦風煙邇臺殿高尋去石頂曠
覽天宇徧千山紛滿目百川豁對面綺來雲氣迎人去
鳥聲戀長揖桃源士舉世同企羨

題思禪寺上方

獨孤及

谿口聞法鼓停橈登翠屏攀雲到金界合掌開禪局鬱

律衆山抱空濛花雨零老僧指香樓云是不死亭眇眇
千越路茫茫春草青遠山噴貝百谷繚繞馳東溟目極想
何在境照心亦冥駭然諸根空破結如破瓶下視三界
狹但聞五濁腥山中有良藥吾欲墮天形

仙遊寺有龍潭穴弄玉祠 李華

捨事入樵徑雲木深谷口萬壑移晦明千峰轉前後巖
然龍潭上石勢若奔走開坼秋天光崩騰夏雷吼靈谿
自茲去紆直互紛糾聽聲靜復喧望色無更有冥冥翠
微下高殿映杉柳滴滴洞穴中懸泉響相扣昔時秦王
女羽化年代久日暮松風來蕭聲生左右早窺神仙籙
願結芝朮友安得美門方肯囊繫吾肘

聽子規

顧况

棲霞山中子規鳥口邊血出啼不了山僧後夜初入定

聞似不聞山月曉

四皓廟

元稹

巢由昔避世堯舜不得臣伊呂雖急病湯武乃可君四
賢胡為者千載名氛氲顯晦有遺迹前後疑不倫秦政
虐天下黷武窮生民諸侯戰心死壯士眉亦顰張良韓
孺子推碎屬車輪遂令英雄意日夜思報秦先生相將
去不復嬰世塵雲卷在孤岫龍潛為小鱗秦皇轉無道
諫者鼎鑊親茅焦脫衣諫先生無一言趙高殺二世先
生如不聞劉項取天下先生遊白雲海內八年戰先生
全一身漢業日已定先主名亦振不得為濟世宜哉為
隱淪如何一朝起屈作儲貳賓安存孝惠帝摧賴戚夫
人捨大以謀細虬盤而蠖伸惠皇竟不嗣呂氏禍有因
雖懷安劉志未若周與陳皆落子房術先生道何屯出

處貴明白故吾今有云

魚山神女歌辭二首

王維

迎神

坎坎擊鼓魚山之下吹洞簫望極浦女巫巫進紛屢舞陳
瑶席湛清醑風淒淒兮夜雨神之來兮不來使我心兮
苦復苦

送神

紛進拜兮堂前目眷眷兮瓊筵來不語兮意不傳作暮
雨兮愁空山悲急管思繁絃靈之駕兮儼欲旋倏雲收
兮雨歇山青青兮水潺潺

古社

元稹

古社基趾在人散社不神唯有空心樹妖狐藏魅人狐
惑意顛倒臊腥不復聞丘墳變城郭花草仍荆榛良田

千萬頃占作天荒田主人議莫所怪見不敢前那言空
山燒夜隨風馬奔飛聲鼓擊震高焰旗幟翻逡巡荆棘
盡狐兔無子孫孤死魅人醒煙消壇墠存繞壇舊田地
給授有等倫農收村落盛社樹新團圓社公千萬歲永
保村中民

虜患

張陵

今日漢家探使迴蟻疊胡兵來未歇春風渭水不敢流
總作六軍心上血

代北州老翁答

張謂

負薪老翁住北州北望鄉關生客愁自言老翁有三子
兩人已向黃沙死如今小兒新長成明年聞道更徵兵
定知此別必零落不及相隨同死生盡將田宅借鄰伍
且復伶俜去鄉土在生本求多子孫及有誰知更辛苦

近傳天子尊武臣強兵直欲靜胡塵安邊自合有長策
何必流離中國人

遼西

崔顥

燕郊芳歲晚殘雪凍邊城四月春草合遼陽春水生胡
人正牧馬漢將日徵兵露重寶刀濕沙虛金鼓鳴寒衣
著已盡春服誰與成寄語洛陽使為傳邊塞情

王處士草堂壁畫衡霍諸山 劉長卿

愛此衡霍近卷簾如可攀能令堂上客見盡湘南山青
翠千萬狀飛來方丈間歸雲無處滅去鳥何時還勝事
日相對主人常獨閑清陰滿四壁佳氣生重關頗與宿
心會看看慰愁顏

題劉相公三湘圖

郎士元

昔別醉衡霍爾來憶南州今朝平津邸兼得瀟湘遊稍

辨荆門樹依然芳杜洲微明三巴峽咫尺萬里流去鳥
不知倦遠帆生暮愁潯陽指天末北渚空悠悠枕上見
漁父座中常狎鷗誰言魏闕下自有東山幽

觀于舍人壁畫山水

王季文

野人宿在人家少朝見此山謂山曉半壁仍棲嶺上雲
開簾放出湖中鳥獨坐長松是阿誰再三招手起來遲
于公大笑向予說小弟丹青能爾為

題遐上人院壁畫古松歌

朱灣

石上盤古根謂言天生朽安知草木性變在畫師手陰
深方丈間真趣幽且閑木文離披勢搓捩中裂空心火
燒出掃成三寸五寸枝便作千年萬年物莓苔濃淡意
不同一半死皮藏蠹蟲風雨相未必來到此氣色香似寒
山中孤標可翫不可取能使支公道場古

畫竹歌并序

白居易

協律郎蕭悦善畫竹舉世無倫庸亦甚自祕重有終歲
求其一竿一技而不得者知予好事忽寫一十五
竿惠然見投予厚其意高其藝無以答貺作歌以報之
凡一百八十六言歌曰

植物之中竹難寫古今雖畫無似者蕭郎下筆獨逼真
丹青已來唯一人入畫竹身肥壯腫蕭畫盡莖瘦節節竦
人畫竹稍死羸垂蕭畫枝活葉葉動不根而生從意生
不筍而成由筆成野塘水邊碕岸側森森兩叢十五莖
嬋娟不失筠粉態蕭颯盡得風煙情舉頭忽見不似畫
低耳靜聽疑有聲西叢七莖勁而健省向天竺寺前石
上見東叢八莖踈且寒憶曾湘妃廟裏雨中看幽姿遠
思少人別與君相顧空長嘆蕭郎蕭郎老可惜手戰眼

昏頭雪色自言便是絕筆時從今此竹尤難得

觀李湊畫美人障子

劉長卿

愛爾含天資丹青有殊智無間已得象象外更生意西
子不可見千秋無重還空憐浣紗態猶在含毫間
豈易得雙蛾如有情惚風不舉袖但覺羅衣輕華堂翠
幕春風來內閣金屏曙色開此中一見亂人目祇疑行
到雲陽臺

石鼓歌

韓愈

張生手持石鼓文勸我試作石鼓歌少陵無人謫仙死
才薄將奈石鼓何周網陵遲四海沸宣王憤起揮天戈
大開明堂受朝賀諸侯劍珮鳴相磨蒐于岐陽騁雄俊
萬里禽獸皆遮羅鏽功勒成告萬世鑿石作鼓隳嵯峨
從臣才藝咸第一揀選撰刻留山阿雨淋日炙野火燎

鬼物守護煩搗訶公從何處得紙本毫髮盡備無差訛
詞嚴義密讀難曉字體不類隸與蝌年深豈免有缺畫
快劍斫斷生蛟鼉鸞翔鳳翥衆仙下珊瑚碧樹交枝柯
金繩鐵索鎖紐壯古鼎躍水騰龍按陋儒編詩不收入
二雅褊迫無委蛇孔子西行不到秦掎撫星宿遺羲娥
嗟予好古生苦晚對此涕淚雙滂沱憶昔初蒙博士徵
其年始改稱元和故人從軍在右輔為我量度掘臼科
濯冠沐浴告祭酒如此至寶存豈多甌包席裹可立致
十鼓祗載數駱駝薦諸太廟比部鼎老價豈止百倍過
聖恩若許留太學諸生講解得切磋觀經鴻都尚填咽
坐見舉國來奔波剜苔剔蘚露節角安置妥貼平不頗
大厦深簷與蓋覆經歷久遠期無他中朝大官老於事
詎肯感激徒媵阿牧童敲大牛礪角誰復著手為摩娑

日消月鑠就埋沒六年西顧空吟哦義之俗書趨姿媚
數紙尚可博白鵝繼周八代爭戰罷無人收拾理則那
方今太平日無事柄任儒術崇丘軻安能以此上論列
願借辨口如懸河石鼓之歌止於此嗚呼吾意其蹉跎

古劍歌

郭元振

君不見昆吾鐵冶飛炎煙紅光紫氣俱赫然良工鍛鍊
凡幾年鑄得寶劍名龍泉龍泉顏色如霜雪良工嗟咨
歎奇絕瑠璃王匣吐蓮花錯鏤金環生明月正逢天下
無風塵幸得用防君子身精光黯黯青蛇色文章片片
綠龜鱗非直結交遊俠子亦曾親近英雄人何言中路
遭弃捐零落飄淪古獄邊雖復沉埋無所用猶能夜夜
氣衝天

摩鏡篇

劉禹錫

流塵醫明鏡歲久看如漆門前負荷生為我一摩拂萍
開淥池滿暈盡金波溢白日照空心圓光走幽室山神
祇氣沮野魅真形出却思未摩時瓦礫來唐突

贈友人古鏡

朱晝

我有古時鏡初自壞陵得蛟龍猶泥蟠魑魅幸月蝕摩
久見菱蕊青於藍水色贈君將照心無使心受惑

團扇歌

劉禹錫

團扇復團扇奉君清暑殿秋風入庭樹從此不相見上
有乘鸞女蒼蒼網蟲徧明年入懷袖別是機中練

彈琴

劉希戩

碧山本岑寂素琴何清幽彈為風入松崖谷颯以秋庭
鶴舞白雪泉魚躍洪流余欲娛世人明月難暗投感歎
未終曲淚下不可收嗚呼鍾子期零落歸山丘死而若

有知魂兮從我遊

江上琴興

常建

江上調玉琴一絃清一心泠泠七絃遍萬木澄幽陰能使江月白又令江水深始知梧桐枝可以徽黃金

聽蜀僧濬彈琴

李白

蜀僧抱綠綺西下峨眉峰為我一揮手如聽萬壑松客心洗流水餘響入霜鍾不覺碧山暮秋雲暗幾重

奉和張舍人閣中夜直思閭山雅琴因書事

呂溫

迢遞天上直寂寞丘中琴憶爾山水韻起予仁智心凝情在正始超想踈煩襟涼生子夜後日照禁垣深遠風藹蘭氣微露清桐陰方襲緇衣慶永奉南薰吟

聽彈風入松贈楊補闕

王昌齡

回風入我絃夜竹深有露絃悲與林寂清景不可度寥

落幽居心颺颺青松樹松風吹草白谿水寒日暮聲意去復還九變待一顧空山多雨雪獨立君始悟

金陵聽韓侍御吹笛

李白

韓公吹玉笛侖儻流玉音風吹繞鍾山萬壑皆龍吟王子停鳳管師襄掩瑤琴餘響渡江去天涯安可尋

武昌老人說笛歌

劉禹錫

武昌老人七十餘手把庾令相聞書自言年少學吹笛早事曹王曾賞激往年征鎮戍蘄州楚山蕭蕭笛竹秋當時買林恣搜索典却身上烏貂裘古苔蒼蒼封老節石上孤生飽風雪商聲五音隨拍發水中龍應行雲絕曾將黃鶴樓上吹一聲占盡秋江月如今老去興猶遲音韻高低耳不知氣力已無心尚在時時一曲夢中吹

題老張松樹

宋之問

歲晚東巖下周顧何悽惻日落西山陰衆草起寒色中
有喬松樹使我長歎息百尺無寸枝一生自孤直

古栢行

杜甫

孔明廟前有老栢柯如青銅根如石霜皮溜雨四十圍
黛色參天二千尺君臣已與時際會樹木猶為時愛惜
雲來氣接巫峽長月出寒通雪山白憶昨路繞錦亭東
先主武侯同閔宮崔嵬枝榦郊原古窈窕丹青戶牖空
落落盤踞雖得地冥冥孤高多烈風扶持自是神明力
正直元因造化功大厦如傾要棟梁萬牛回首丘山重
不露文章世已驚未辭剪伐誰能送苦心豈免容螻蟻
香葉曾經宿鸞鳳志士幽人莫怨嗟古來才大難為用

與東方左史脩竹篇

并序

陳子昂

東方公足下文章道弊五百年矣漢魏風骨晉宋莫傳

然而文獻有可徵者僕嘗暇時觀齊梁間詩彩麗競繁
而興寄都絕每以永歎竊思古人常恐透迤頽靡風雅
不作以耿耿也一昨於解三處見明公詠孤桐篇骨氣
端翔音情頓挫光英朗練有金石之聲遂用洗心飾視
發揮幽鬱不圖正始之音復覩於茲矣可使建安作者
相視而笑解君云張茂先何敬祖東方生與其比肩僕
亦以為知言也故感歎雅製作脩竹詩一篇當有知音
以傳示之

龍鍾生南嶽孤翠鬱亭亭峰嶺上崇峯煙雨下微冥夜
聞鼯鼠叫晝聒泉壑聲春風正淡蕩白露已清泠哀響
激金奏密色滋玉英歲寒霜雪苦含彩獨青青豈不厭
疑列羞比春木榮春木有盈歇此節無凋零始願比金
石終古保聖真不意伶倫子吹之學鳳鳴遂偶雲龢瑟

張樂奏天庭妙曲方千變
簫韶已九成信蒙彫斲美常
願事僊靈驅馳翠蚪駕伊鬱
紫鸞笙結交羸臺女吟弄
昇天行攜手登白日遠遊戲
赤城低昂玄鶴舞斷絕彩
雲生水隨衆仙去三山遊玉京

種竹

元稹

昔樂天贈余詩云無波古井水有節秋竹竿
余秋來種竹廳下因而有懷聊書十韻

昔公憐我直比之秋竹竿
秋來苦相憶種竹廳前看
失地顏色改傷根枝葉殘
清風猶浙浙高節空團團
鳴蟬聒暮景跳蛙築幽欄
塵土復晝夜梢雲良獨難
丹丘信云遠安得臨仙壇
泂瘴冬草綠何人驚歲寒
可憐亭亭榦一一青琅玕
孤鳳竟不至坐傷時節闌

竹逕偶作

權德輿

退朝此休沐閉戶無塵氛
支策入幽逕清風隨此君
琴觴恣偃傲蘭蕙相益益
幽賞方自適林西煙景曛

露青竹鞭歌

顧況

鮮于仲通正當年章仇兼瓊在蜀川
約束蜀兒採馬鞭
蜀兒採鞭不敢眠橫截斜飛飛鳥邊
繩橋夜上層崖巔
頭挿白雲跨飛泉採得馬鞭長且堅
浮漚丁子珠聯聯
灰煮蠟指光爛然章仇兼瓊持上天
上天雨露何其偏
飛龍閑旣馬數千朝飲吳江夕秣燕
紅塵撲轡汗濕鞮
師子麒麟聊比肩曲江昆明洗刷牽
四蹄蹋浪頭拚天
蛟龍稽顙河伯虔拓羯胡鷄脚手
鮮陳閔韓幹丹青妍
欲貌未貌眼欲穿金鞍玉勒錦連乾
騎入桃花楊柳煙
十二樓中奏管絃樓中美入奪神仙
爭愛大家把此鞭
祿山入關關破年忽見揚州北邙前
祇有人還千一

錢亭亭筆直無皺節磨將形相一條鐵市頭格是無人
別江海賤臣不拘綆垂鞘挂影西窓缺稚子覓衣挑仰
穴家僮拾薪幾拗折玉潤猶露玉壘雪碧鮮似染萋弘
血蜀帝祠邊子規咽相如橋上文君絕往年策馬降至
尊七繁九折橫劍門移王八駿超崑崙安用冉冉孤生
根聖人不貴難得貨金玉珊瑚誰買恩

暑日題道邊樹

王穀

火輪迸焰燒長空浮埃撲面愁濛濛羸僮走馬喘不進
忽逢碧樹含清風清風留我移時住滿地濃陰懶前去
却嘆人無及物功不似團團道邊樹

井上桐

陸龜蒙

美人傷別離汲井常待曉愁因轆轤轉驚起雙棲鳥獨
立傍銀牀碧梧風嫋嫋

石上藤

岑參

石上生獨藤弱蔓依石長不逢高枝引未得凌空上何
處堪託身為君長萬丈

兔絲

元稹

人生莫依倚依倚事不成君看兔絲蔓依倚榛與荆荆
榛易蒙密百鳥撩亂鳴下有狐兔穴奔走亦縱橫樵童
斫將去柔蔓與之并翳薈生可恥束縛死無名桂樹月
中出珊瑚石上生俊鷗渡海食應龍昇天行靈物本特
達不復相纏縈縈竟何者荆棘與飛莖

春草謠

顧況

春草不解行隨人上東城正月二月色綿綿千里萬里
傷人情

王兵馬使二角鷹

杜甫

悲臺蕭颯石龍從哀詔以柯浩呼洵中有萬里之長江
迴風陷日孤光動角鷹翻倒壯士臂將軍玉帳軒翠氣
二鷹猛腦徐侯穉日如愁胡視天地以雞竹兔不自惜
谿虎野羊俱闢易韉上鋒稜十二翻將軍勇銳與之敵
將軍樹勳起安西崑崙虞泉入馬蹄白羽曾肉三狡狴
敢決豈不與之齊荆南芮公得將軍亦如角鷹下翔雲
惡鳥飛飛啄金屋安得爾輩開其群鷗出六合梟鸞分
觀於白鷹

李白

八月邊風高胡鷹白錦毛孤飛一片雪百里見秋毫

飛鷹操

劉禹錫

爲飛杳杳青雲裏爲鳴蕭蕭風四起
翅尾飄揚勢漸高箭頭若劃聲相似
長空悠悠霽日懸六翮不動疑非煙
游鷗翔鴈出其下慶雲清景相迴旋
忽聞飢鳥噪相聚

下雲中單鷹鼠騰音礪吻相喧呼
仰天大赫疑鷓鴣畏人避犬投
高處俛啄無聲猶屢顧青鳥自愛
玉山禾仙禽徒貴華亭露樸楸危
巢向暮時陪鯁飽腹蹲枯枝
遊童挾彈一麾肘臆碎羽分人不
悲天生衆禽各有類威鳳文章在
仁義鷹隼儀形螻蟻心雖能戾天
何足貴百舌吟

曉星寥落春雲低初聞百舌間
關啼花枝滿空迷處所
搖動繁英墜紅雨笙篁百轉音韻多
黃鸝吞聲鶯無語
東方朝日遲遲升迎風弄景如自驚
數聲不盡又飛去
何許相逢綠楊路
繇蠻宛轉似娛人
一心百舌何紛紜
醜顏俠少停歌聽
墮珥妖姬和睡聞
可憐光景何時盡
誰能低回避鷹準
廷尉張羅自不關
滄郎挾彈無情損
天生羽族爾何微
舌端萬變乘春輝
南方朱鳥一朝見

索寞無言蒿下飛

鸚鵡詞

蘇郁

莫把金籠閉鸚鵡箇箇分明解人語
忽然更向君前語三十六宮愁幾許

鴛鴦篇

陳子昂

飛飛鴛鴦鳥舉翼相蔽虧俱來淶潭
表共向白雲涯音容相眷戀羽翻兩
逶迤蘋萍戲春渚霜霰遶寒池浦沙
連岸淨汀樹拂潭垂年年此遊翫歲
歲成來追隨鳳皇起丹穴獨向梧桐
枝鴻雁來紫塞空憶伯梁肥鳥啼倦
依託鶴鳴傷別離豈若比雙禽翻飛
不異林刷羽清江浦交頸紫山岑
文章負奇色和鳴多好音聞有鴛鴦
綺復有鴛鴦衾特為美人贈勗此故
交心

子規啼

韋應物

高林滴露夏夜清南山子規啼一聲
鄰家嬌婦抱兒泣我獨展轉何為情

鷓鴣吟

劉禹錫

朝陽有鳴鳳不聞千萬祀鷓鴣催眾
芳畏聞先入耳秋風白露晞從是爾
啼時如何上春日唧唧滿庭飛

春蟬

元稹

我自東歸日厭苦春鳩聲作詩憐化
工不遣春蟬生及來商山道山深氣
不平春秋兩相似虫豸百種鳴風松
不成韻蜩螗沸如羹豈無朝陽鳳羞
與微物爭安得天上雨奔渾河海傾
蕩滌反時氣然後好晴明

江上蚊子

韋楚老

搖狹翅亞紅腹江邊夜起如雲哭請
問貪婪一點心腐肉填腹幾多足越
女如花住江曲寒蟻夜夜疑雙綠任

君撩亂錦窻中十幅輕綃圍夜玉

戲題關門

岑參

來亦一布衣去亦一布衣羞見關城吏還從舊路歸

門前路

門前向城路一直復一曲曲去日中還直行日暮宿何
必日中還曲塗荆棘間

唐文粹卷第十七之上

唐文粹卷第十七之下

古調十二總五十六首

吳興姚 鉉 纂

月明河月生句 劉猛

把酒問月 李白

月蝕詩 盧仝

明河篇 宋之問

風雨 露雪

賀雨詩 白居易

洛陽清明日雨霽 李正封

詠露 李正封

山雪釋皎然

秋風引 劉禹錫

竹窓聞風寄苗發司空曙 李益

江海 泉水

觀海 獨孤及

西陵口觀海 薛據

題玉潭 獨孤及

及第後過楊子江 施肩吾

責漢水辭 李善夷

迎潮送潮辭二首 陸龜蒙

引泉詩 陸龜蒙

賦得三峽流泉歌 李季蘭

明冰篇 富嘉謨

宮禁 殿前曲 王昌齡

西施篇 王維

三閣辭四首 劉禹錫 霓裳羽衣曲 李肱

神仙 遊仙詩十六首 道士吳筠 上元夫人詩 李白

王子喬 宋之問 玉真仙人辭 李白

夢太白峰西常建 苦筮調笑引 李賀

少室山韋鍊師昇仙歌 皇甫冉

宿青牛谷梁鍊師仙居 楊衡 玄都壇歌 杜甫

寄全椒山中道士 韋應物 洗心道士司馬退之

齋心 王昌齡 寄菖蒲 張籍

金璫玉珮歌 顧況

月生句 劉猛

月生十五前日望光彩圓月 滿十五後日畏光彩瘦不見
見夜花色一樽成暗酒匣中 苔背銅光短不遍空不惜
補明月慙無此良工

把酒問月 故人賈淳令余問之 李白

青天有月來幾時我今停盃一問之人攀明月不可得
月行却與人相隨皎如飛鏡臨丹闕綠煙滅盡清輝發
但見宵從海上來寧知曉向雲間沒白兔擣藥秋復春
姮娥孤棲與誰鄰今人不見古時月今月曾經照古人
古人今人若流水共看明月皆如此唯願當歌對酒時
月光長照金樽裏

月蝕詩 盧仝

新天子即位五年歲次庚寅斗柄插子律調黃鍾森森
萬木夜殭立寒氣曩負頑無風爛銀盤從海底出出來
照我草屋東天色紺滑疑不流冰光交貫寒臃臃初疑
白蓮花浮出龍王宮八月十五夜比並不可雙此時怪
事發有物吞食來輪中 輪壯士斧斫壞桂似雪山風拉

推百鍊鏡照見膽平地理寒灰火龍珠飛出腦却入蚌
蛤胎拋環破壁眼看盡當天一搭如煤始磨踪滅跡須
吏間便似萬古不可開不料至神物有此大狼狽星如
撒沙出爭頭事光大奴婢炷燈看豔莖如玳瑁今夜吐
燄如長虹孔隙千道射戶外玉川子涕泗下中庭獨自
行念此日月者太陰太陽精皇天要識物日月乃化生
走天汲汲勞四體與天作眼行光明此眼不自保天公
行道何由行吾見陰陽家有說望日蝕月月光滅朔月
掩日日光缺兩眼不相攻此說吾不容又孔子師老子
云五色令人目盲吾恐夫似人好色則喪明幸且非春
時萬物不嬌榮青山破瓦色淥水冰淨嶸花枯無女豔
鳥死沈歌聲頑冬何所好偏使一目盲又聞古老說蝕
月蝦蟇精徑圓千里入汝腹如此癡騃阿誰生可從海

密來便解緣青冥恐是睚睫間措塞所化成黃帝有二
目帝舜重瞳明二帝懸四目四海生光輝吾不遇二帝
混漭不可知何故瞳子上坐受蟲豸欺長嗟白兔擣靈
藥恰似有意防姦非藥成滿口不中度委任白兔夫何
為憶昔堯為天十日燒九州金爍水銀流玉熠丹沙焦
六合烘為窟堯心增百口憂天見堯心憂勃然發怒決洪
流立擬沃殺九日妖天八高日走沃不及但見萬國赤子
戰戰生魚頭此時九幽導九日爭持節幡麾幢旒駕車
六九五十四頭蛟螭虺一掣電九火輶汝若蝕開齟齬輪
御轡執索相爬鈎推滋湯轉渴入汝喉紅鱗燄鳥燒口快
翎鬣倒側聲酸鄰撐眼物拄肚礪礪如山丘自可飽兔更
不偷不獨填飢坑亦解所堯心憂恨汝時當食埋頭撒腦
不肯食不當食張脣哆紫食不休食天之眼養逆命安

得上帝請汝劉嗚呼人養虎被虎齧天媚墓被墓瞎乃
知恩非類一自作孽言足患眼人必索良工訣想天下
異人愛眼固應一安但常娥氏來習扁鵲術手操春
戈去此睛上物初既備朦朧既又如抹漆但恐功業成
便此不吐出玉川子口涕泗下心禱再拜額搨沙土中
地上蟻羈臣全告訴帝天皇臣心有鐵一寸可剗妖墓
癡腸皇天不為臣立塔磴臣血肉身無由飛上天揚天
光封詞付與小心風塵排闥闖入紫宮密邇玉几前
劈奏上臣全頑愚曾敢死橫干天甚長東方蒼龍角插
戟尾押風當心開明坐統領三百六十鱗蟲坐治東方
宮月蝕不救援安用東方龍南方火鳥赤發血頃長星
短飛跋刺頭戴弁冠尚遠枿月蝕鳥宮十二度鳥為居
亭主人不覺察貪向何人家行赤口毒舌毒蟲百上與

却月不取殺塵眼鬼眼赤突窳鳥罪不可言西方攫虎
立倚倚斧為牙鑿為齒偷犧牲食封豕大豷一變固當
軟美見似不見是何道理爪牙根天不念工天若准擬
錯准擬北方寒龜被此縛藏頭入殼如入蛇蛇筋束緊
束破殼寒龜夏斃一猛味且當臠其肉一庶板沒信處
唯堪支牀脚不中鎖灼與天下卜歲星生福德官爵奉
董秦忍使黔婁生覆尸無衣巾天失眠不吊歲星胡其
仁熒惑矍鑠公執法大不中月明無罪過不糾蝕月蟲
年年十月朝太微支盧謫罰何災凶土星與土性相背反
養福德生禍害到人頭上死破敗今夜月蝕安可會太
白真將軍怒激鋒鏑生恒州陣斬鄺定進項骨脆甚春
蔓菁天唯兩眼失一眼將軍何處行天兵辰星任廷尉
天律自主持人命在盆底固應見天盲時天若不肯信

試喚臯陶鬼一問而今三台文章宮作上天紀網環天
二十八宿磊落尚書郎整頓排班行劍握他人將一四
太陽側一四天市旁操斧代大匠兩手不怕傷弧矢引
滿反射人天狼呀啄明煌煌癡牛與騃女不肯勤農桑
徒勞舍淫思旦夕遙相望蚩尤簸旗弄旬始搥天鼓鳴
璫琅枉矢龍蛇行眉目森森張天狗一舐地血流何滂
滂譎險萬萬黨構架何可當昧目豐成就言我光明王
請留北斗一星相北極指揮萬國懸中央此外盡拂除
沙磧如山岡贖我父母光當時恒星沒殞兩如桴漿似
天會事發叱喝誅姦狂何故中道廢自遺今日殃善善
又惡惡郭公所以亡願天神聖心無信他人忠玉川子
詞訖風色緊格格近月墨暗邊有似動劍戟須臾癡墓
精兩吻自決圻初露半个壁漸吐滿輪魄衆星盡原赦

一墓獨誅磔腹肚忽脫落依舊挂穹碧光彩未蘇來慘
淡一片白柰何萬里光受此吞吐厄再得見天眼感荷
天地力或問玉川子孔子脩春秋二百四十年月蝕盡
不收今子咄咄詞頗合孔意不玉川子笑答或請聽逗
遛孔子父母魯諱魯不諱周書外書大惡故月蝕不見
收余命唐天口食唐土唐禮過三唐樂過五小猶不說
大不可數災沴無有小大瘡安引衰周研覈可否日分
晝月分夜辨寒暑一主刑一主德政乃舉孰為人面上
一目偏可去願天完兩日照下萬方土更不瞽萬萬古

明河篇

宋之問

八月涼風天氣晶萬里無雲河漢明昏見南樓清且淺
曉落西山縱復橫洛陽城闕天中起長河夜夜千門裏
覆道連櫬共蔽虧畫堂瓊戶特相宜雲母帳前初汎濫

水精簾外轉逶迤倬彼昭回如練白復出東城接南陌
南陌征人去不歸誰家今夜擣寒衣鴛鴦機上踈螢度
烏鵲橋邊一鴈飛鴈飛螢度愁難歇坐見明河漸微沒
已能舒卷任浮雲不惜光輝讓流月明河可望不可親
願得乘槎一問津更將織女支機石還訪成都賣卜人

賀雨詩

皇帝嗣寶歷元和三年冬自冬及春暮不雨旱熾熾上
心念下民懼歲成災凶遂下罪己詔殷勤告萬邦帝曰
予一人繼天承祖宗憂勤不遑寧夙夜心忡忡元年誅
劉闢一舉靖巴邛二年戮李錡不戰安江東顧惟眇眇
德遠有巍巍功或者天降沴無乃儆予躬上思答天戒
下思致時雍莫如率其身慈和與儉恭乃命罷進獻乃
命賑飢窮宥死降五刑責已寬三農宮女出宣徽廐馬

減飛龍庶政靡不舉皆出自宸衷奔騰道路人偃僕田
野翁歡呼相告報感泣涕霑胸順人人心悅先天天意
從詔下纔七日和氣生沖融凝為油油雲散作習習風
晝夜三日雨淒淒復濛濛萬心春熙熙百穀青芄芃人
變愁為喜歲易儉為豐乃知王者心憂樂與衆同皇天
及后土所感無不通冠珮何鏘鏘將相及王公蹈舞呼
萬歲列賀明庭中小臣誠愚陋職忝金鑾宮稽首再三
拜一言獻天聰君以明為聖臣以直為忠敢賀有其如
亦願有其終

洛陽清明日雨霽

李正封

曉日清明天夜來嵩少雨千門尚煙火九陌無塵土酒
醪河橋春漏閑宮殿午遊人戀芳草半犯嚴城鼓

詠露

李正封

霏霏靈液重雲表無聲落霑樹急玄蟬灑地淒皓鶴流
塵清遠陌飛月登高閣宵潤玉堂簾曙寒金井索佳人
比珠淚坐感紅綃薄

山雪

釋皎然

夕陽在西峯疊翠紫殘雪狂風卷絮迴驚猿攀玉折何
意山中人誤報山花發

秋風引

劉禹錫

何處秋風至蕭蕭送鴈群今朝入庭樹孤客最先聞

竹窻閒風寄苗發司空曙

李益

微風驚暮坐臨牖思悠哉開門復動竹疑是故人來時
滴枝上露稍霑階下苔幸當一入幌為拂綠琴埃

觀海

獨孤及

北登渤海島迴首秦東門誰尸上造物功鑿此天池源瀕

洞吞百谷周流最無垠廓然混茫際望見天地限白日
自中吐扶桑如可捫迢迢蓬萊峰想像金臺存秦帝昔
經此登臨異飛翻揚旌百神會望日群山奔徐福竟何
成羨門徒空言唯見石橋足千年潮水痕

西陵口觀海

薛據

浙江漫湯湯近海勢彌廣在昔胚混凝融為百川長地
形失端倪天色潛滉漾東南際萬里極目遠無象山影
乍浮沉潮波忽來往孤帆或不見棹歌猶響像日暮長
風起客心空振蕩浦口霞未收潭心月初上林嶼幾遭
迴亭臯時偃仰歲晏訪蓬瀛真遊非外獎

題玉潭

獨孤及

碧玉徒強名冰壺難比德唯當寂照心可並滄淪色

及第後過揚子江

施肩吾

憶昔將貢年抱愁此江邊魚龍互閃爍黑浪高於天今日步春草復來經此道江神也世情為我風色好

責漢水辭并序

李善夷

春秋僖公四年齊桓公合諸侯之師盟于召陵責楚之苞茅不入問昭王南征而不復楚子使屈完對曰貢之不入寡君之罪也敢不供給昭王南征之不復君其問諸水濱按昭王南征至漢舟人膠其舟王遂溺死杜預曰當時漢水未屬楚杜之注其為謬哉且楚實殷之始封楚苦縣瀨鄉在漢水東北六百餘里則漢水於西周之際豈未屬楚乎又詩云持彼殷武奮伐荆楚深入其阻裒荆之旅鄭玄注云深入方城之阻也方城今在漢水北三百里豈昭王時未屬楚乎屈完以齊桓所問之大不敢他對但請自問於水濱之人言我不之知也漢

實屬楚久矣夫山林川澤天子祀之必有其神楚人膠其船而禍其君神不能福神之罪也余過漢見其波濤混濘而責其水辭曰

漢之廣兮風波四起雖有風波不如蹄涔之水蹄涔之水不為下國而傾天子漢之深兮其隄莫量雖云其量不如行潦之汪行潦之汪不為下國而溺天王漢之美者曰魴吾雖飢不食其魴恐汙吾之飢腸

迎潮送潮辭二首并序

陸龜蒙

余耕稼所在松江南旁田廬門外有溝通浦淑而朝夕之潮至焉天弗雨則輒而留之用以滌濯灌溉及物之功甚鉅其羸壯遠速穀系望晦盈虛也用之則順而進捨之則默以退有類乎君子之道翫而感之作迎潮送潮辭二首聊寄聲於騷人之末

江霜嚴兮楓葉丹潮聲高兮墟落寒鷗巢卑兮漁箔短
遠岸沒兮光爛爛潮之德兮無際既充其大兮又充其
細密幽人兮款柴門寂寞流連兮依稀舊痕濡餘澤槁
兮潮之息不尸其功兮歸于混元

右迎潮

潮西來兮又東下日染中流兮紅灑灑汀葭蒼蒼兮水蓼
枯風騷牢兮愁煙孤大幾望兮微將翳晦搜瀛溶兮斂
然而退愛長波兮數數一幅巾兮無纓可濯帆生塵兮
掉有衣悵潮之還兮吾猶未歸

右送潮

引泉詩

睦州龍興觀老君院作

上嗣位六載吾宗刺桐川余來拜旌戟詔下之明年是
時春三月繞郭花蟬聯嵐盤百萬鬢上插黃金鈿授以

道士館置榻于東偏滿院聲碧樹空堂形老仙本性樂
凝澹及來更虛玄焚香禮真像盥手披靈編新安山角
角烏龍獨巉然除非淨晴日不見蒼崖巔上有擎雲峰
下有噴壑泉泉分數十泓落處皆崢嶸海寒聲入爛醉聒
破西窓眠支筇起獨尋祇在牆東邊呼僮具畚鍤立鑿
莓苔穿叢澗一泓墮練帶橫斜牽亂石拋落落寒流響
濺濺狂奴七里瀨縮到踈楹前跳光潑半散涌沫飛涎
圓勢束三峽挂瀉危孤磴懸曾聞瑤池溜亦灌朱草田
鳧伯弄翠葉鸞鷁舞丹煙凌風挾桂拖隔霧馳犀舩泥
當玄元家嘗著道德篇上善可比水斯文叅五千精靈
若在此肯惡微波傳不擬爭滴瀝還應會淪連出門後
飛箭合勢浮青天必有學真子鹿冠秋鶴顏如能輔余
志日使疏其源

賦得三峽流泉歌

李季蘭

妾家本住巫山雲巫山流水常自聞玉琴奏出轉寥夤
直似當時夢中聽三峽迢迢幾千里一時流入幽闈裏
巨石崩崖指下生飛波遠浪絃中起初疑噴怒含雷風
復似嗚咽流不通迴湍曲瀨意將盡時復滴瀝平沙中
憶昔阮公為此曲能使仲容聽不足一彈既畢還一彈
願比流泉鎮相續

明冰篇

富嘉謨

北陸蒼茫河海疑南山明剛干晝夜冰素彩峨峨明月升
深山窮谷不自見安知地脉斷備嘉薦陰房固沍掩寒扇
陽春二月朝始曠春光酒罈淹度千門明冰時出御至尊
彤庭赫赫九儀備霄玉伯煌煌千官事明冰畢歲周在位
憶昔沙朔寒風漲崑崙巨以河冰始壯漫汗峻嶒積亭障

邕邕鳴鴈江上來禁苑池臺水復開採春涵綠映樓臺

幽歌七月王風始明冰藏用照物軌四時不忒千萬祀

殿前曲

王昌齡

貴人粧梳殿前催香風吹入殿後來仗引笙歌大宛馬
白蓮花發照池臺

西施篇

王維

豔色天下重西施寧久微朝為越溪女暮作吳宮妃賤
日豈殊衆貴來方悟稀邀人傳香粉不自著羅衣君寵
益嬌態君憐無是非當時浣紗伴莫得同車歸寄謝鄰
家子效顰安可希

三閣詞 吳音四首

劉禹錫

貴人三閣上日晏未梳頭不應有恨事嬌甚却成愁
珠箔曲瓊鉤子細見揚州北兵那得渡浪語聲悠悠

沉香帖閣柱金縷畫門楣迴首絳幡下已見黍離離
三人出智井一身登檻車朱門謾臨水不得見鱸魚

霓裳羽衣曲

李肱

開元太平日萬國賀豐歲梨園獻舊曲玉座流新製鳳
管遞參差霞衣競搖曳宴罷水殿空輦餘春草細蓬壺
事已久仙樂功無替詎肯聽遺音聖明知善繼

遊仙十六首

道士吳筠

啓用觀往載搖懷考今情終古已寂寂舉世何營營悟
彼衆仙妙超然舍至精凝神契沖玄化服凌太清心同
宇宙廣體合雲霞輕翺風吹羽蓋塵霄拂霓旌龍駕朝
紫微後天保令名豈如寰中士軒冕矜斲榮

鸞鳳棲瑤林鵬鶚集平楚飲啄永殊好翔翔終異所吾
方遺誼囂立節慕高舉解茲區中戀結彼霄外侶誰謂

天路遐感通自無阻

愍俗從遷謝尋仙去淪沒三元有真人與我生道骨凌
晨吸丹景入夜飲黃月百關彌調暢方寸益清越棲神
合虛無洞覽周恍惚不覺隨玉皇焚香詣金闕

西龜初定錄東華已校名三官無遺譴七祖昇雲輶體
妙塵累隔心微玄化并一朝出天地億載猶童嬰使我
齊浩劫蕭蕭宴玉清

怡神在靈府皎皎合清澄仙經不吾欺輕舉信有徵疇
昔希道念而今果天矜豈非陰功著乃致白日昇焉用
過洞府吾其越朱陵

高真誠寥邈道合不我遺孰謂姑射遠神人可同嬉結
駕從之遊飄飄出天垂不理人自化神凝物無疵因知
至精感足以和四時

八海廣無際三山高不極金臺羅中天羽客恣遊息霞
液朝可飲虹芝晚堪食嘯歌自忘心騰舉寧假翼保壽
同三光安能幾千億

將過大帝宮躡扶桑處真童已相迂為我清宿霧海
若寧洪濤羲和止奔馭五雲結層閣八景動飛舉青霞
端可挹丹楹時一遇留我宴玉堂歸軒不令遽

欲趨洞陽界試覽丹極表赤帝躍火龍炎官控朱鳥導
我昇絳府長驅出天杪陽靈赫重暉四達何皎皎為爾
流飄風羣生遂無天

予因詣金母飛蓋超西極遂入素中天停輪太濛側若
華拂流影不使白日匿傾曦復亭午六合無暝色道化
隨感遷此理誰能測

九龍何蜿蜿載我昇雲網臨睨懷舊國風塵混蒼茫依

依遠人寰去去邇帝鄉上超星辰紀下視日月光倏已

過太微天居煥煌煌

停驂太儀側整服金闕前肅肅承上帝鏘鏘會群仙鴻

鑪發靈香廣廡張鈞天玉醴洽中座霞膏充四筵良期

無終極俛仰移億年

峻朗妙門闕澄微真鑒通瓊林九霄上金閣三天中飛

蚪躍慶雲翔鶴搏靈風鬱被玉京會仙期六合同

予昇至陽源欲憇明霞館飄飄瓊林舉曄曄金景散結

虛成萬有高妙咸可翫三山鬱嵯峨琅海杳無岸躡賞

過千椿遐齡誰復筭

招攜紫陽友合宴玉清臺排景羽衣振浮空雲駕來靈

播七曜動瓊障九光開鳳舞龍璈奏蚪軒殊未廻

高昇紫極上宴此玄都岑玉藥散奇香瓊珂流雅音靈

風生太漠習習吹人襟體混希微廣神凝空洞深蕭然
宇宙外自得乾坤心

上元夫人詩

李白

上元誰夫人偏得王母嬌嵯峨三角髻餘髮散垂腰
披青色錦身著赤霜袍手提羸女兒閑與鳳吹簫眉語
兩目笑忽然隨風飄

王子喬

宋之問

王子喬愛神仙七月七日上賓天白虎搖瑟鳳吹笙乘
騎雲氣翕日精翕日精長不歸遺廟今在而人非空望
山頭草草露濕君衣

玉真仙人詞

李白

玉真之真人時往太華峰清晨鳴天鼓颺欲騰雙龍弄
霓不輟手行雲本無蹤幾時人少廣王母應相逢

夢太白西峰

常建

夢寐昇九崖杳靄逢元君貴我太白岑寥寥辭垢氛結
宇在星漢冥林閉氛氲蒼楹覆餘翠巾鳥生片雲時往
溪谷間孤亭晝仍曛松峯引天影石瀨清霞文括目緩
舟趣霽心投鳥羣春風又搖擢潭鳥花紛紛

苦篁調笑引

李賀

請說軒轅在時事伶倫采竹二十四伶倫采之自崑丘
軒轅以之調元氣當時皇帝上天時二十三管咸相隨
唯留一管人間吹無德不能得此管此管沉埋虞舜祠

少室山韋鍊師昇仙歌

皇甫舟

紅霞紫氣甚氤氳絳節青童迎少君忽從林下昇天去
空使時人禮白雲

宿青牛谷梁鍊師仙居

楊衡

隨雲步入青牛谷青牛道士留我宿可憐夜久月明中
惟有壇邊一枝竹

玄都壇歌

杜甫

故人昔隱東蒙峰已佩含景蒼精龍故人今居子午谷
獨在陰崖結茅屋屋前太古玄都壇青石漠漠常風寒
子規夜啼山竹裂王母晝下雲旗翻知君此計誠長往
芝草琅玕日應長鐵鎖高垂不可攀致身福地何蕭爽

寄全椒山中道士

韋應物

今朝郡齋冷忽念山中客澗底束荆薪歸來煑白石欲
持一瓢酒遠慰風雨夕落葉遍空山何處尋行跡

洗心

道士司馬退之

不踐名利道始覺塵土腥不味稻粱食始覺神骨清羅
浮奔走外日月無短明山瘦以松亦勁鶴老飛更輕逍遙

此中客翠髮皆長生草木多古色雞犬無新聲君有出
俗志不貪英雄名傲然脫冠帶改換人間情去矣丹霄
步向曉雲冥冥

齋心

王昌齡

女蘿覆石壁溪水幽濛瀟紫葛蔓黃花娟娟寒露中朝
飲花上露夜卧松下風雲英化為水光彩與我同日月
蕩精魂寥寥天府空

寄菖蒲

張籍

石上生菖蒲一寸十二節仙人勸我食令我頭青面如
雪逢人寄君一絳囊書中不得傳此方君能來作樓霞
侶與君同入丹玄鄉

金璫玉珮歌

顧況

贈君金璫太霄之玉珮金鎖禹步之流珠五嶽真君之

邨錄九天文人之寶書東井沐浴辰已畢先進洞房上
奔日借問君從何處來黃姑織女機邊出

晉府

勅賜養德書院校正重刊

唐文粹卷第十七下

唐文粹卷第十八

古調十三 總一百三十六首

感寓

感寓三十八首 陳子昂 感寓七首 張九齡

感寓 權德輿 效陳拾遺子昂感寓二首 司空圖

古意二首 孫翊

詠史

詠史十一首 李華

詠史 高適

詠史二首 釋皎然

詠史二首 劉禹錫

詠史四首 盧照鄰

讀李斯傳 曹勣

慨歎

出關作

魏徵

隴右途中遭非語 貞半千

書懷 劉幽求

自紀 皇甫松

贈友人 呂溫

贈韓愈二首 孟郊

贈喬林 劉昫

寄唐生 白居易

華下 司空圖

傷時二首 孟雲卿

封丘作 高適 街西居三首 姚合

效陳拾遺子昂 司空圖 感時 司空圖

夜坐 張說 無可奈何歌 白居易

逢白公 元稹 感懷 費冠卿

贈崔純亮 孟郊 客喜 賈島

有所思 宋之問 秦人謠 古之奇

時興 楊賁 聞碓有感 呂溫

野田行 于鵠 贈馮宿 李觀

偶然作二首 呂溫 及第後答潼關主人 呂溫

朝飢 賈島 九日酬顧少府 高適

感物 觀玉篇 陳子昂 素絲 陸龜蒙

李都尉古劍 白居易 廢琴 白居易

廢瑟辭 張籍 說劍 元稹

春桂問答二首 王績 養鷲辭 劉禹錫

對菊 賈島 直鈎吟 盧仝

競渡 元稹 冬日見牧牛人擔青草歸 張說

道州觀野火 呂溫 諭寶二首 元稹

春感 送春曲三首 劉禹錫 衡州春早二首 呂溫

尋人偶題 邵真 題花樹 楊衡

惜花 陸龜蒙

秋感 秋日歌 韓愈 秋夕遠懷 孟郊 蟋蟀詩 羅隱

秋思 司空圖 在郡秋懷二首 張川齡

感寓三十八首 陳子昂

微月生西海幽陽始化昇圓光正東滿陰魄已朝疑太

極生天地三元更廢興至精諒斯在三五誰能徵

蘭若生春夏辛蔚何青青幽獨空林色朱蕤冒紫莖

遲白日晚嫋嫋秋風生歲華盡搖落芳意竟何成
蒼蒼丁零塞今古緬荒途亭埃何摧兀暴骨無全軀黃
沙暮南起白日隱西隅漢甲三十萬曾以事匈奴但見
沙場死誰憐塞上孤

樂羊為魏將食子殉軍功骨肉且相薄他人安得忘吾
聞山中相乃屬放麇翁孤獸猶不忍況以奉君終
市人矜巧智於道若童蒙傾奪相夸侈不知身所終曷
見玄真子觀世玉壺中杳然遺天地乘化入無窮
吾觀龍變化乃知至陽精石林何冥密幽洞無留行古
之得仙道信與元化并玄感非象識誰能測淪冥世人
拘目見酣酒笑丹經崑崙有瑤樹安得采其英
白日每不歸青陽時暮矣茫茫吾何思林卧觀無始衆
芳委時晦鷓鴣悲鳴耳鴻荒古已頽誰識巢居子

吾觀崑崙化日月淪洞冥精魄相交構天壤以羅生仲
尼推太極老聃貴窈冥西方金仙子崇議乃無明空色
皆寂滅業緣定何成名教信紛藉死生俱未停聖人祕
元命懼世亂其真如何嵩公輩詆譎誤時人先天誠為
美階亂禍誰因長城備胡寇羸禍發其親赤精既迷漢
子年何救秦去去桃李花多言死如麻

深居觀元化怍然爭彘頤羣動相啖食利害紛疑疑便
便夸毗子榮耀更相持務光讓天下商賈競刀錐已矣
行采芝萬世同一時

吾愛鬼谷子青谿無垢氛囊括經世道遺身在白雲七
雄方龍鬪天下久無君浮雲不足貴導養晦時文舒可
彌宇宙卷之不盈分豈徒山木壽空與麋鹿群
呦呦南山鹿離罟以媒和招搖青桂樹幽蠹亦成科世

情甘近習榮耀紛如何怨憎未相復親愛生禍羅瑤臺
傾巧笑玉杯殞雙蛾誰見孤城樹青青成芥柯

林居病時久水木澹孤清閑卧觀物化悠悠念無生青
春始萌達朱火已滿羸殂落方自此感歎何時平

臨歧泣世道天命良悠悠昔日殷王子玉馬遂朝周寶
鼎淪伊穀瑤臺成故丘西山傷遺老東陵有故侯

貴人難得意賞愛在須臾莫以心如玉採他明月珠
稱天挑子今為春市徒鳴鴉悲東國麋鹿泣姑蘇誰見

鴟夷子扁舟去五湖
聖人去已久公道緬良難蚩蚩夸毗子堯禹以為謾驕

榮貴工巧勢利遞相干燕王尊樂毅分國願同歡魯連
讓齊爵遺組去邯鄲伊人信往矣感激為誰歎

幽居觀大運悠悠念群生終古代典沒豪聖莫能爭三

季淪周赧七雄滅秦嬴復聞赤精子提劍入咸京炎光
既無象晉魯復縱橫

堯禹道已昧昏虐勢方行豈無當世雄天道與胡兵咄
咄安可言時醉而未醒仲尼溺東夏伯陽遁西溟大運

自古來旅人胡歎哉
透迤世已久骨鯁道斯窮豈無感激者時俗頽此風灌

園何其鄙皎皎於陵子世道不相容嗟嗟張長公
聖人不利已憂濟在元元黃屋非堯意瑤臺安可論吾

聞西方化清淨道彌敷奈何窮金玉彫刻以為尊雲構
山林盡瑤圖珠翠頰鬼功尚未可人力安能存夸愚適

增累矜智道逾昏
玄天幽且默群議曷嗤嗤聖人教猶在世運久陵遲一
繩將何繫憂醉不能持去去行采芝勿為塵所欺

蜻蛉遊天下與世本無患飛飛未能止黃雀來相干穰
侯富秦寵金石比交歡出入咸陽裏諸侯莫敢言寧知
山東客激怒秦王肝布衣取丞相千載為辛酸

微霜知歲晏斧柯如青青況乃金天夕浩露露群英登
山望宇宙白日已西溟雲海方蕩瀾孤鱗安得寧

翡翠巢南海雄雌珠樹林何如美人意驕愛比黃金殺
身炎洲裏委羽玉堂陰綺旒光首飾歲蕤爛錦衾豈不
在遐遠虞羅忽見尋多材信為累歎息此珍禽

挈瓶者誰子妖服當青春三五明月滿盈盈不自珍高
堂委金玉微纒懸千鈞如何負公鼎被奪笑時人

玄蟬號白露茲歲已蹉跎羣物從大化孤英將奈何瑤
臺有青鳥遠食玉山禾崑崙見玄鳳豈復虞雲羅

荒哉穆天子好與白雲期宮女多怨曠層城閉蛾眉日

耽瑤臺樂豈傷桃李時青苔空萎絕白髮生羅帷

朝發宜都渚浩然思故鄉故鄉不可見但見巫山陽巫
山彩雲沒高丘正微茫佇立望已久涕淚霑衣裳豈茲
越鄉感憶昔楚襄王朝雲無處所荆國已淪亡

昔日章華晏荆王樂荒淫霓旌翠羽蓋射光雲夢林竭
來高堂觀悵望雲陽岑雄圖今何在黃雀空哀吟

丁亥歲云暮西山事甲兵羸糧而叩道荷戟爭羗城嚴
冬陰風勁窮岫油雲生昏黷無晝夜羽檄復相驚攀踞
兢萬仞崩危遠九冥籍籍峰壑裏哀哀冰雪行聖人御
宇宙聞道太階平肉食謀何失葵藿緬縱橫

可惜瑤臺樹灼灼佳人姿碧華映朱實攀折青春時豈
不盛光寵榮君白玉墀但恨紅芳歇凋傷感所思

竭來豪遊子勢利禍之門如何蘭膏歎感激自生怨衆

趨明所避時棄道猶存雲泉既已失羅網與誰論箕山
有高節湘水有清源唯應白鷗鳥可為洗心言
索居獨幾日炎夏忽然衰陽彩皆陰翳親友盡睽違登
山望不見涕泣久漣漣宿夢感顏色若與白雲期世中
驕豪子驅逐正蚩蚩蜀山與楚水攜手在何時
金鼎合神丹世人將見欺飛飛騎羊子胡乃在蛾眉變
化固幽類芳菲能幾時疲痾苦淪世憂痲日侵淄眷然
顧幽褐白雲空涕洟

朔風吹海樹蕭條邊已秋亭上誰家子哀哀明月樓自
言陰燕客結髮事遠遊赤丸殺公吏白刃報私讎避仇
至海上被役此邊州胡鄉三千里遼水復悠悠每憤胡
兵入常為漢國羞何知七十載白首未封侯
本為貴公子平生實愛才感時思報國拔劍起蒿萊西

馳丁令塞北上單于臺登山見千里懷古心悠哉誰言
未忘禍磨沒成塵埃

浩然坐何暮吾蜀有蛾眉念與楚狂子悠悠白雲期時
哉悲不會涕泣久漣漣而夢登綏山穴南采巫江芝探元
觀竒化遺世從雲螭婉變將永矣感悟不見之

朝入雲中郡北望單于臺胡秦何密邇沙朔氣推哉藉
藉天驕子猖狂已復來塞垣無名將亭堠空崔嵬咄嗟
吾何歎邊入塗草萊

仲尼探元化幽鴻順陽和大運自盈縮春秋遞來過音
颺忽號怒萬物相紛劇溟海皆震蕩孤鳳其如何

感寓七首

張九齡

蘭葉春葳蕤桂華秋皎皎欣欣此生意自爾為佳節誰
知林棲者聞風坐相悅草木有本心何求美人折

幽林歸獨卧，滯慮洗孤清。持此謝高鳥，因之傳遠情。日
夕懷空意，人誰感至精。飛沉理自隔，何所慰吾誠。
魚遊樂深池，鳥棲欲高枝。嗟爾蜉蝣游，羽薨薨亦何為。
有主豈不化，所感奚若斯。神理日微滅，吾心安得知。浩歎
揚朱子，徒然泣路岐。
孤鴻海上來，池潢不敢顧。側見雙翠鳥，巢在三珠樹。矯
矯珍木巔，得無金丸懼。美服患人指，高明逼神惡。今我
遊冥冥，弋者何所慕。

吳越數千里，夢寐今夕見。形骸非我親，衾枕即鄉縣。化
蝶猶不識，川魚安可羨。海上有山歸，期覽神變。
抱影吟中夜，誰聞此嘆息。美人滿心異，方庭樹銜幽色。白
雲愁不見，滄海飛無翼。鳳皇一朝來，竹花此可食。
漢上有游女，求思安可得。袖中一書札，欲寄雙飛翼。冥

冥獨不見，耿耿徒臧憶。紫蘭秀空蹊，皓露奪幽色。馨香
歲欲晚，感歎情何極。白雲在南山，日暮長太息。

感寓

權德輿

殘雨倦歌枕，病中時序分。秋虫與秋葉，一夜隔窻聞。虛
室對搖落，晤言無與群。冥心試觀化，世故如絲棼。但看
鷲戾天，豈見山出雲。下俚徒擊節，朱絃祕南薰。倚梧秀
朝陽，上有威鳳文。終符九成奏，來儀瑞吾君。

效陳拾遺子昂感寓二首 司空圖

高鷲飛何捷，啄害恣群鷄。人豈玩其暴，華軒容爾居。強
欲自天稟，剛吐信吾徒。乃知不平者，矯世道終孤。
陽和含煦潤，卉木競紛華。當為衆所悅，私已汝河誇。北
里祕穠艷，東園鎖名花。豪奪乃常理，笑君徒咄嗟。

古意

擬梓州陳拾遺

孫郈

屈子生楚國七雄知其材介絜世不容跡合藏蒿萊道
廢固命也飄飲亦賢哉何事葬江魚空使後人哀
魏禮段干木秦王乃止戈小國有其人大國柰之何賢
哲信為美兵甲豈云多君子戰必勝斯言聞孟軻

詠史十一首

李華

日照崑崙上羽人披羽衣乘龍駕雲霧欲往心無違此
山在西北乃是神仙國靈氣皆自然求之不可得何為
漢武帝精意徧群山糜費巨萬計宮車終不還蒼蒼茂
陵樹足以戒人間
天生忠與義本以佐雍熙何意李司隸而當昏亂時古
墳襄城野斜徑橫秋陂况不禁樵採茅莎無了遺高標
尚可仰精爽今何之一忤中常侍銜寃誰見知常觀黨
錮傳撫卷不勝悲

文侯耽鄭衛一聽一忘殮白雲燕姬舞朱絃越女彈淫
聲流不返恹蕩日無端獻歲受朝時鳴鍾醮百官兩牀
陳管磬九奏殊未闌對此唯恐卧更能整衣冠

漢皇脩雅樂乘輿臨太學三老與五更天王親割牲一
人調風俗萬國和且平單于驟款塞武庫欲銷兵文物
此朝盛君臣何穆清至今墳壇下如有簫韶聲

蜀主相諸葛功高名亦尊驅馳十萬衆怒目瞰中原曹
伯任公孫國忘身不存社宮久蕪沒白鴈猶飛翻勿言
君臣合可以濟黎元為蜀諒不易如曹難復論

秦滅漢帝興南山有遺老危冠揖萬乘幸得厭征討當
君逐鹿時臣等以枯槁寧知市朝變但覺泉石好高卧
三十年相看成四皓帝言翁甚善見顧何不早咸稱太
子仁重義亦尊道側聞騶姬事申生不自保蹇出商山

雲揭來趨灑掃東宮成羽翼楚舞傷懷抱後代無其人
疾園滿秋草

六國韓最弱末年尤畏秦鄭生為韓計且欲疲秦人利
物可分社原情堪滅身咸陽古城下萬頃稻苗新
昂藏獬豸獸出自太平年亂代乃潛伏縱人為禍愆常
聞斷馬劍每壯朱雲賢身死名不滅寒風吹墓田精靈
如有在幽憤滿松煙

沂水春可涉泮宮映楊葉麗色異人間珊珊搖珮環展
禽恒獨處深巷生禾黍城上飛海雲城中暗春雨適來
鳴珮者復是誰家女尼沾珠綴履雨濕翠毛簪電影閉
蓮臉雷聲飛蕙心自言沂水曲采蘋兼采菜歸逕雖可
尋天陰光景促憐君貞且獨願許君家宿徒勞惜衾枕
子不顧雙蛾豔質誠可重淫風如禮何周王惑褒姒城

關成陂池

巢許在嵩穎陶唐不得臣九州上洗耳一命安能親絲
邈數千祀丘中誰隱淪朝遊公卿府夕是山林人蒲帛
揚仄陋薜蘿為摺紳九重念入夢三事思降神且設庭
中燎寧窺泉下鱗

漢時征百越揚僕將樓船幕府功未立江湖已騷然島
夷非敢亂政暴地仍偏得罪因懷壁防身輒控弦三軍
未裂土萬里詎聞天魏闕心猶在旗門首已懸如何得
良吏一為制方圓

詠史一首

高適

尚有綈袍贈應憐范叔寒不知天下士猶作布衣看

詠史二首

釋皎然

田氏門下客馮公衆中賤一朝市義還百代名獨擅始

知下客不可輕能使主人功業成借問高車與珠履何如迤賤一書生

獨負高世資冥冥寄浮俗卜子去不歸何人識荆玉鬻春意不淺汙迹身豈辱鸞鍛樂進遭蚪蟠甘窘束五噫謫且正可以見心曲

詠史二首

劉禹錫

驃騎非無勢少卿終不去世道劇頽波我心如砥柱賈生明王道衛綰工車戲同遇漢文時何人居貴位

詠史四首

昔有平陵男姓朱名阿游直髮上衝冠壯氣橫三秋願得斬馬劍先斷佞臣頭天子玉檻折將軍丹血流捐生不肯拜視死其若休歸來教鄉里童蒙遠相求弟子數百人散在十二州三公不敢吏五鹿何能訓名與日月

懸義與天壤儔何必疲執戟區區在封侯偉哉曠達士知命固不憂

季生昔未達身辱功不成髡鉗為臺隸灌園變姓名幸逢滕將軍兼遇曹丘生漢祖廣招納一朝拜公卿百金孰云重一諾良匪輕廷議斬樊噲群公府無聲處身孤且直遭時坦而平丈夫當如此唯唯何足榮

大漢昔云季小人道遂振玉帛委閭尹斧鑕嬰搢紳邈哉郭先生卷舒得其真雍容謝朝廷譚笑弊人倫在晦不絕俗處亂不為親諸侯不得友天子不得臣冲情甄負甌重價折角巾悠悠天下士相送洛橋津誰知仙舟上寂寂無四鄰

公業負奇志交結盡才雄良田四百頃所食常不充一為侍御史慷慨說何公何公何為歎吾謀適不同仲穎

恣殘忍廢誠良在躬死人如亂麻天子如轉蓬干戈及
黃屋荆棘生紫宮鄭生運其謀將以清國戎時來命不
遂脫身歸山東凜凜千載下穆然懷清風

讀李斯傳

欺暗常不然欺明當自裁難將一人手掩得天下目

出關作

魏徵

中原初逐鹿投筆事戎軒縱橫計不就慷慨志猶存扶
策謁天子驅馬出關門請纓繫南越馮軾下東蕃鬱紆
陟高岫出沒望平原古木吟寒鳥空山啼夜猿旣傷千
里目還驚久逝魂豈不憚艱險深懷國士恩李布無二
諾侯嬴重一言人生感意氣功名誰復論

隴石途下遭非語

負半千

趙有兩毛遂魯聞二曾參慈母猶且惑况在行路心冠

冕無醜士賄賂成知己名利我所無清濁誰見理弊服
空庭春綬帶不著身出遊非懷璧何憂乎忌人正須自
保愛振衣在生塵

書懷

劉幽求

心為明時盡君門尚不容田園迷徑路歸去欲何從

自紀

皇甫松

皇天后地力使我向北生貴賤不我均若為天地情我
家世道德旨意匡文明家集四百卷獨立天地經寄言
青松姿豈羨朱槿榮昭昭大化光共此遺芳馨

贈友人

呂溫

南山雙喬松擢本皆千尋夕流膏露津朝被青松陰負
雪出深澗搖風倚高岑明堂久不構雲幹何森森匠意
方雕巧時情正誇淫生財會有用天地豈無心

贈韓愈二首

孟郊

何以定交契贈君高山石何以保貞妍贈君青松色貧
交過此外無可相彩飾更有其鼠詩吟之堪淚滴其鼠
既穿墉又齧機上絲穿墉有閑土齧機無餘絲朝吟枯
桑拓暮泣空杼機豈是無巧妙絲斷將何施衆人尚肥
華志士多飢羸願君保此節天意當察微
前日遠別離今日生白髮欲知萬里情曉卧半牀月常
恐百蟲秋使我芳草歇

贈喬林

劉春虛

去年上策不見收今年寄舍仍淹留羨君有酒能便醉
羨君無錢能不憂如今五侯以不待客羨君不問五侯宅
如今七貴方自尊羨君不遇七貴門丈夫會應有知己
世上悠悠何足論

寄唐生

白居易

賈誼哭時事阮籍哭路岐唐生今亦哭異代同其悲唐
生者何人五十寒且飢不悲口無食不悲身無衣所悲
忠與義悲甚則哭之太尉擊賊日段太尉以笏擊朱泚
尚書叱盜時顏尚書叱李希烈大夫死完完陸大夫為

亂兵所害諫議謫蠻夷楊諫議左遷道州每見如此事

聲發涕輒隨往往聞其風俗士猶或非憐君頭半白其
志竟不衰我亦君之徒鬱鬱何所為不能發聲哭轉作
樂府詩篇篇無空文句句必盡規切過虞人箴痛甚騷
人詞非求宮律高不務文字奇惟歌生民病願得天
知未得天子知甘受時人嗤藥良氣味苦瑟淡音聲希
不懼權豪怒亦任親朋譏人竟無柰何呼作狂男兒每
逢群動息或遇雲霧披但自高聲歌庶幾天聽甲歌哭

雖異名所感則同歸寄君三十章與君為哭詞

華下

司空圖

月炙旱雲裂迸為千道血天地沸一鑊竟自烹妖孽堯湯遇災數災數還中輟何事姦與邪古來難撲滅

傷時二首

孟雲卿

徘徊宋郊上不見平生親獨立正傷心悲風來孟津大方載群物生死有常倫虎豹不相食哀哉人食人豈知逢世運天道亮云云

太虛流素月三五何皎明光曜侵白日賢愚迷至精四時更變化天道有虧盈常恐今已沒須臾復更生

封立作

高適

我不漁樵孟諸野一生自是悠悠者乍可狂歌草澤中寧堪作吏風塵下祇言小邑無所為公門百事皆有期

拜迎官長心欲碎鞭撻黎庶令人悲悲來向家問妻子本家盡到今如此生事應須南畝田世情付與東流水夢想舊山安在哉為衙君命且遲迴乃知梅福徒為爾却憶陶潛歸去來

街西居三首

姚合

受得山野性任城多事違青山在宅南迴首東西睇淺一井泉數家共汲之獨我惡水濁鑿井庭之陞自鑿還自飲亦為眾所非吁嗟世間事潔身誠難為

日出窮巷喜温然勝重衣重衣豈不暖暖氣人不齊兀兀復行行不離階與墀

丈夫非馬蹄安得知路岐窮賤食茹薄興與養性宜乃知長生術豪貴難得之

效陳拾遺子昂

司空圖

醜婦競簪花花多映愈醜鄰女恃其姿撥之不足手量
已苟自私招損乃誰咎寵祿既非安於吾竟何有

感時

好鳥無惡聲仁獸肯狂噬寧教鸚鵡啞不遣麒麟細人
人語與默唯觀利與勢愛毀亦自遭掩謗終失計

夜坐

張說

懷哉四壁時未有五都價百金誰見許斗酒難為賞落
花生芳春孤月皎清夜復逢利交客題戶遙相謝

無可奈何歌

白居易

無可奈何兮白日走而朱顏頹少日往兮老日催生者
不住兮死者不迴况乎寵辱豐頹之外物又何嘗不十
去而一來去不可挽兮來不可推無可奈何兮已焉哉
惟天長而地久前無始兮後無終嗟吾生之幾何寄眸

息乎其中只如太倉之稊米黍一粒於萬鍾何不與道
逍遙委化從容縱心放志洩洩融融胡為乎分愛惡於
生死繫憂喜於窮通倔強其骨髓齟齬其心胃合冰炭
以交戰祗自苦乎厥躬彼造物者于何不為此與化者
云何不隨或煦或吹或盛或衰雖千變與萬化委一順
以貫之為彼何非為此何是誰冥此心夢蝶之子何禍
非福何吉非凶誰達此觀喪馬之翁俾吾為秋毫之杪
吾亦自足不見其小俾吾為泰山之阿吾亦無餘不見
其多是以達人靜則昭然與陰合迹動則浩然與陽同
彼委順而已孰知其他時耶命耶吾其無奈彼何委耶
順耶彼亦無奈吾何夫兩無可奈何然後能冥至順而
合太和故吾所以飲太和扣至順而為無可奈何之歌

逢白公

元稹

遠路事無限相逢唯一言月色照榮辱長安千萬門

感懷

費冠卿

螢燭不為苦求名始辛酸上國無交親請謁多少難九月風割面羞汗成冰片求名侯公道名與公道遠力盡得一名他喜我且輕家書十年絕歸去知誰榮馬嘶渭河柳特地起愁聲

贈崔純亮

孟郊

食蕻腸亦苦強歌聲無歡出門即有礙誰謂天地寬有礙非遐方長安大道傍小人智慮險平地生大行鏡破不改光蘭死不改香始知君子交久久道益彰君心與我懷離別俱惘惶譬如浸藥泉流苦日已長忍泣目易衰忍憂形易傷項籍豈非壯賈生豈非良當其失意時涕泗各滿裳古人勸加食此食難自強一飯九祝噎一

嗟十斷腸況非男女寃寃氣凌彼蒼彼蒼若有知白日下清霜今朝始驚呼碧落空茫茫

客喜

賈島

客喜非實喜客悲非實悲百口地信到家未當身一歸未歸長愁嗟愁嗟填中懷門口以愁聲還却入耳來嘗恐滴淚多自損兩目輝鬢邊雖一月絲不堪織寒衣

有所思

宋之問

洛陽城東桃李花飛來飛去洛誰家幽閨女兒惜顏色坐見落花長嘆息今年花落顏色改明年花開復誰在已見松柏摧為薪更聞桑田變成海古人無復洛城東今人還對落花風年年歲歲花相似歲歲年年人不同寄言全盛紅顏子須憐半死白頭翁此翁白頭真可憐伊昔紅顏美少年公子王孫芳樹下清歌妙舞落花前

光祿池臺文錦繡將軍樓閣盡神仙一朝卧病無相識
三月行樂在誰邊婉轉蛾眉能幾時須臾鶴髮亂如絲
但看古來歌舞地唯有黃昏鳥雀飛

秦人謠

古之奇

微生祖龍代却思堯舜道何人仕帝庭枝殺拍伎草姦
臣弄民柄天子恣衷抱上下一相蒙馬鹿遂顛倒中國
既版蕩骨肉安可保人生貴年壽吾恨死不早

時興

楊貴

貴人昔未貴咸願顧寒微及自登樞要何曾問布衣平
明登紫閣日晏下彤闈擾擾路傍子無勞歌是非

聞碓有感

呂溫

千門儼雲端此地富羅紈秋月三五夜碓聲滿長安幽
人感中懷靜聽淚沈澗所恨擣衣者不知天下寒

野田行

于鵠

日没出古城野田何茫茫寒狐上孤塚獵火燒白楊昔
人未為泉下客若到此中還斷腸

贈馮宿

李觀

寒晨上秦原遊子衣飄飄黑雲截萬里獵火從中燒陰
空蒸長煙殺氣獨不消冰交石可裂風疾山如搖時無
青松心顧我獨不凋

偶然作二首

呂溫

棲棲復汲汲忽覺年四十今朝滿衣淚不是傷春泣
中夜兀然坐無言空涕洟又夫志氣事兒女安得知

及第後答潼關主人

本欲雲雨化却隨波浪翻一霑太常第十過潼關門志
力且虛棄功名誰復論主人固相問慙笑不能言

朝飢

賈島

市中有樵山此舍朝無烟井底有甘泉釜中乃空然我
要見白日雪來寒青天立聞西牀琴凍折兩三絃飢莫
詣他門古人有拙言

九日訓顧少府

高適

簷前白日應可惜籬下黃花為誰有客子迎霜未受衣
主人得錢肯酤酒蘇秦憔悴時多默祭澤棲遲世看醜
縱使登高祗斷腸不如獨坐空搔首

觀玉篇并序

陳子昂

丙戌歲余從左補闕喬公北征夏四月軍幕舍于張掖
河河洲草木無他異者唯有仙人然往往叢生幽朔地
寒與中國頗異余家世好服食昔嘗餌之及此役也而
息意茲味成人有薦嘉蔬者此物存焉余條爾而笑曰

始者與此君別不圖至是而見之豈非神明喜惠將欲
扶吾壽也因為喬公昌言其能時東萊王仲烈亦同旅
舍聞而大喜甘心食之已旬有五日矣適有行人自謂
知藥者謂喬公曰此白棘也公何謬哉仲烈愕然而疑
亦曰吾怪其味甜今果如此喬公信是言乃譏余作采
玉篇謂宋人不識玉而寶珉石也余心知必是由以獨
見之故被奪於衆人乃喟然而嘆曰嗟乎人之大明者
目也心之至信者口也夫日照五色口分五味玄黃甘
苦亦可斷而不惑矣而路傍一議二子增疑况君臣之
間朋友之際乎自是而觀之則萬物之情可見也感采
玉詠而作觀玉篇以荅之并示仲烈譏其失真
鷓夷雙白玉此玉不緇磷懸之千金價舉世莫知真丹
青非異色輕重有殊倫勿信玉工言徒悲荆國人

素絲

陸龜蒙

園客麗獨繭詩人吟五綵如何墨子淚反以悲途窮我
意豈於是願參天地功為綫補君袞為絃繫君桐左右
脩闕職宮商還古風端然潔白心可與神明通

李都尉古劍

白居易

古劍寒黯黯鑄來幾千秋白光納日月紫氣排斗牛有
客借一觀愛之不敢求湛然玉匣中秋水澄不流至寶
有本性情剛無與儔可使寸寸折不能繞指柔願快直
士心將斷佞臣頭不願報小怨夜半刺私讎勸君慎所
用無作神兵羞

廢琴

絲桐合為琴中有太古聲古聲淡無味不稱今人情玉
徽光彩滅朱絃塵土生廢棄來已久遺音尚泠泠不辭

為君彈縱彈人不聽何物使之然羌笛與秦箏

廢瑟詞

張籍

古瑟在匣誰復識玉柱顛倒朱絲黑千年曲譜不分明
樂府無人傳正聲秋蟲暗穿塵作色腹中不辨工人名
幾時天下復古樂此瑟還奏雲門曲

說劍

元稹

吾友有寶劍密之如密友我寶膠漆交中堂共盃酒酒
酣肝膽露恨不眼前剖高唱荆卿歌亂擊相如缶更擊
復更唱更酌亦更壽白虹座上飛青蛇匣中吼我聞音
響異疑是干將偶為君再拜言神物可見不君言亦可
見復言我自取迎匣已焚香近鞘先澤手徐抽寸寸刃
漸屈彎彎肘殺殺霜在鋒團團月臨鈕逡巡潛蚪躍鬱
律驚左右霆雷滿室光蛟龍繞身走我為捧之泣此劍

別來久鑄時堇山破藏仁松桂朽幽匣獄邊埋神人水
心守本用稽泥淬果非雷煥有我欲評劍功願君良聽
受劍可刺犀兕劍可切瓊玖劍決天外雲劍衝日中斗
劍墮妖蛇腹劍拂佞臣首太古初斷鼇武王親擊紂燕
丹卷地圖陳平綰花綬曾被挂樹枝寒光射林莽曾經
鑄農器利用翦狼豸神物終變化復為龍牝牡晉末武
庫燒脫然排戶牖為欲掃群胡散作彌天帚自茲失所
往豪英共為詬今復誰人鑄挺然千載後既非古風胡
無乃近鷓九自我與君遊平生益自負况擊寶劍出重
以雄心扣此劍何太奇此心何太厚觀君慎所用所用
無或苟潛將辟魑魅勿但防妾婦留斬泓下蛟莫試街
中狗君今困泥滓我亦空塵垢俗耳驚大言逢人少開
口

春桂問答二首

王績

問春桂桃李正芬華年光隨處滿何事獨無花
春桂荅春華詎能久風霜搖落時獨秀君知不

養鷲詞并序

劉禹錫

途逢少年志在逐絕句方呼鷲隼以襲飛走因縱觀之
卒無所獲行人有嘗從事於斯者曰夫鷲禽飢則為用
今哺之過篤故然也予感之作養鷲詞

養鷲非玩形所資擊鮮力少年昧其理日日哺不息探
鷄網黃口巨暮有餘食寧知下韜時翅重飛不得陪思
上林表狡兔自南北飲啄既已盈安能勞羽翼

對菊

賈島

九日不出門十日見黃菊灼灼尚繁英美人無消息

直鉤吟

盧仝

初歲學釣魚自謂魚易得三十持釣竿一魚釣不得人
釣曲我釣直哀哉我釣又無食文王已沒不復生直釣
之道何時行

競渡

元稹

吾觀競舟子因測大競源天地昔時競蓬勃晝夜昏龍
蛇相噴薄海岱俱崩奔群動皆攪撓化作流渾渾數極
鬪心息太和承混元一氣忽為二轟然畫乾坤日月復
照曜春秋逸寒溫八荒坦以曠萬物羅亦繫聖人中間
立理世了煩延絲絲復幾歲逮及羲與軒炎皇熾如炭
蚩尤扇其燔有熊競心起驅戰山林樊一戰波委焰再
戰火燎原戰訖天下定號之為軒轅自是豈無競瑣細
不復言其次有龍競競渡龍之門龍門浚如瀉淙射不
可援赤鱗化時至塘突鬣鬣乘風瞥然去萬里黃河

翻接瞬電霆出微吟霹靂喧傍瞻曠宇宙俯瞰卑崑崙
庶類咸在下九霄行易捫倏辭蛙龜穴遽排天帝閣迴
悲暴鯁者未免鯨鯢吞帝命澤諸夏不棄蟲與昆隨時
布膏露罔物施厚恩草木霑我潤豚魚望我蕃嚮來同
競輩豈料由我存壯哉龍競渡一競身獨尊捨此皆蟻
鬪競舟何足論

冬日見牧牛人擔青草歸

張說

塞上縣應折江南草可結欲持梅嶺花遠競榆關雪日
月無他照山川何頓別苟齊兩地心問天將安設

道州觀野火

呂溫

南風吹列火焰焰燒楚澤陽景當晝連陰天半夜赤過
處若誓掃來時如電激豈復辨蕭蘭馬得分玉石蟲蛇
盡樂爛虎兕亦奔迫積穢一蕩除和氣始融液堯時既

敬授禹稼斯肇迹遍生合穎禾大秀兩岐麥家有京坻
詠人無溝壑感若悟焚如功來歲終受益

諭寶

元稹

沉玉在弱泥泥弱玉易沉扶桑寒日薄不照萬丈心安
得潛淵蚪蛟豁超鄧林泥封泰山陞水散早天霖洗此
泥下玉照曜臺殿深刻為傳國寶神器人不侵
冰置白玉壺始見清皎潔珠穿殷紅縷始見明洞澈
鑄無人淬兩刃幽壤鐵春鏡無人拭一片埋霧月驥踏
環堵中骨附筋入節蚪蟠尺澤內魚貫蛙同穴鯨鯢無
巨海浮桴矜濊滴棟梁無廣厦顛倒卧霜雪大鵬無長
空舉翮受羈紉豫章無厚地危抵真觥餖尺璧照卞和
甘與頑石列舜禹無陶堯名隨腐草滅神功伏神物神
物神乃別人神不世出所以神功絕神物豈徒然用之

有施設禹功九州埋舜德天下悅璧充傳國璽圭用祈
泰折千尋豫章幹九萬大鵬歇棟梁此生民舡艘濟來
哲蚪騰旱天兩驥騁流電掣鏡懸姦暗露劒拂妖蛇裂
珠生照乘光冰瑩環座熟此物比在泥沈斯言誰為發凡
今盡凡耳不為君不說

送春曲三首

劉禹錫

春向晚春晚思悠哉風雲日已改花葉自相催漠漠空
中去何時天際來

春已暮萋萋如人老映葉見殘花連天是青草可憐桃
與李從此同桑棗

春竟去此去何時迴遊人千萬恨落日高臺寂寞繁
華盡流鶯歸不來

衡州早春二首

呂溫

碧水何逶迤東風明沙草烟波千里曲不辨嵩陽道
病肺不飲酒傷心不看花唯驚望鄉處猶自隔長沙

尋人偶題

邵真

日吳不復午落花難歸樹人生能幾何莫厭相逢遇

題花樹

楊衡

都無看花意偶到樹邊來可憐枝上色一一為愁開

惜花

陸龜蒙

人壽期滿百花开唯一春其間風雨至旦夕旋為塵若
使花解愁愁於看花人

秋下

耿緯

返照入窮巷憂來與誰語古道無人行秋風動禾黍

秋夕懷遠

孟郊

卧冷無遠夢聽秋酸別情高枝低枝風千葉萬葉聲淺

并不供飲疲田長廢耕今古非古交貧語聞皆輕

蟋蟀詩

羅隱

頑颯斃芳吹愁夕長屑成七旬動歌離吊夢如訴如言緒
引虛寬周隙伺榻繁咽黃綠范睡蟬老冠峨綏好不冠
不綏爾奚以悲蚊蚋有毒食人肌肉蒼蠅多端黑白偷
安爾也出處物兮莫累壞舍啼哀虛堂聽曙勿徇誼諱
鼠豈無牙勿學龔菲垣亦有耳危條槁飛抽恨咿咿別
帳缸冷柔魂不定美人在何夜影流波與子佇立徘徊
思多

秋思

司空圖

身病時亦危逢秋多慟哭風波一搖蕩天地幾翻覆孤
螢出荒池落葉穿破屋勢利長草草何人訪幽獨

在郡秋懷二首

張九齡

秋風入前林蕭颺鳴寒枝寂寞遊子思寤歎何人知宦
歲名不立志在歲已馳五十而無聞古人深所疵平生
去外飾直道如不羈未得操割故忽復寒暑移物情有
固然身退毀亦隨悠悠滄江渚望望白雲涯露下霜且
降澤中草披離蘭艾若不分安用馨香為
庭蕪生白露歲候感遐心策蹇慙遠塗巢枝思故林小
人恐致寇終日如臨深魚鳥好自逸池籠安所欽桂冠
東都門採蕨南山岑議道誠愧昔覽分還愜今憮然憂
成老空爾白頭吟

晉府

勅賜養德書院校正重刊

唐文粹卷第十八

唐文粹卷第十九上

頌甲總九首

大德

無疆頌

李華

起義堂頌

僧一行

又云張說

吳興姚

鉉

纂

開元正曆握乾符頌

張說

上黨舊宮述聖頌

張說

龍池聖德頌

張九齡

靈武受命宮頌

楊炎

無疆頌并序

李華

臣華言伏以漢明帝時徼外蠻夷槃木白狼獻詩歌德
屬事史官況臣自魯祖至臣備國家職負臣又遠事玄
宗肅宗今以餘年獲事陛下官歷御史補闕尚書郎命
薄多病不獲奔赴闕庭恐先朝露同於泥塵若無歌詩

頌德曾蠻夷不若也敢述烈聖為無疆頌式昭皇家大慶無窮謹昧死稽首以聞

高祖元頌

昊昊昊天 監於下 興有德 維隋之杪

時黷陰疑 陽潛未登 人忍照矣 雷行龍興

盜灌雰慝 文明乎萬國 垂仁蒸人 載親天監

保我子孫 魏魏皇皇 後之皇丕承之

太宗列頌

高祖受天命 誕興太宗 成天之命 帝煬昏逾

黎人毒痛 甚焚于燼 甚溺于塗 以號以呼

呼天無辜 高祖謂太宗 爾必有天下 爾其討謨

太宗稽首 恭受天命 臣請滌除 張我師

撫征四國 翦難群慝 鼓一方 二方震驚

默昭其靈 隨顧而平 我負我乳 我安我成

以奉君父 以臨天下 任忠孝文武 建禮章樂舞

我雖明德 諫則納汝 時惟帝降佐 自古明后

莫如我德 我勛唐無疆 天子之無疆 本太宗休命

高宗康頌

肇為址為堂 實勒實勛 付俾厥裔 丕承后

帝恩不忘 神斐靜康 不耀而光 不求而昌

自中方 外達夷羌 瞻我大邦 助祭在于廟

孰貢朝于王 油油時雲 雨厥百穀 溱溱景風

扇彼嘉穀 飴口飽腹 以猷以足 俾壽而福

都阜成天人

中宗興頌

屏蠱之毒 豐而為變 謀虐天之族 天祐聖祚

八柱將覆 帝告五臣 保翼朕躬 赫赫彤彤
日升雲中 百臣受命 鉞爾頑兇 故曰再造我天下
生人鼓舞 既成矣 又奉父母

睿宗德頌

歲之禍再興 有危兢兢 廟祀震怒 陰命聖子
翼登聖父 奮其神旅 宵杖金斧 殄殲逆亂
大聖照臨 元元宅心 歸程王有功有德 於戲盛德

玄宗文頌

丕鏢玄宗之明 克孝克仁 允允允文 宣祖宗之光
垂于子孫 盛禮畢舉 大樂畢陳 百蠻來賓
元元阜殷 戎或不賓 遣帥徂征 罔不頓顙
陪于雷霆 在漢方昌 用刑慘酷 中都繫考
六萬餘人 使者案錄 誅千萬人 其後賢主

光武赫赫 誅沛賓客 以千 以百 孝明稱賢

楚獄連年 坐死逮捕 以萬 以千 猶曰漢祚冥長

越我祖宗 不忍用刑 至于上公宗 哀彼鈇鎖

降為鞭挾 誕告郡國 大為已室 醫彼百疾

追懷登遐 止害禽畜 旁為咄以池 養鱗介族

既濡既渥 昆蟲草木 享國五十年 寓縣晏然

逆臣犯天 天念蒸人 若曰靈志資恥 不忍入戰死

乃告元子 理兵朔鄙 西幸四都 命元子受圖

天下既定 父堯子舜 歸于國都 無不欣愉

無不涕濡 傳聖自願 升靈太微 嗚呼上聖

之道之純 不可度思

肅宗孝頌

穆穆孝慈 有如肅宗之誠 達于神祇 爰訓六師

震發北陸 陵陵雷馳 西戎南蠻 北狄東夷
咸舉其旂 佐皇之威 帝心如天 無噬無慾
颯然丘岳 破裂崖谷 逆隸傾覆 朝社大復
屈于海之外 服以盥以濯 以舞以躍 帝在東宮
孝如文王 蒸蒸其心 天地知其孝 既收鎬洛
祀于陵廟 奉迎上聖 天日並照 有兇有孽
將噬將齧 我旂方設 則已顛蹶 如燁於雪
尊嚴而仁 仁覆而嚴 大臣小臣 莫不潔廉
躬勤百度 百度如其素

今上照頌

大邦之興 維天相之 曷興曷相 有德繼王
昔殷王 盤庚武丁 紹登殷明 矧我帝君
丕承天命 疊引其慶 生我皇聖 幼冲聖敬

寔在右肅宗 開國御戎 群師稟教 舉則成功
自西自東 如霆如風 蕩滌元兇 罔不率從
既登大位 於變時邕 人咸曰 上如太宗
延億兆斯年 地博天崇 罔不爾容 玄宗元孫
為玄宗烈文 肅宗元子 承肅宗孝理

起義堂頌 并序

僧一行 又云張說

堯以天下禪舜舜以天下禪禹禹將宅百揆總萬國一
讓于稷高再讓于皋陶稷高先舉彼商與周以之更盛
皋陶後天我國家於茲受命非舜以考天而疇咨審靈
命之陰隲非禹以享天而德讓知曆數之有歸及乎玄
元間出光大前慶垂道德而統運依清虛而立法天祚
我李厥惟舊哉并州起義堂者皇天造帝之初高祖誓

衆之地也隋氏失御國亂無家小道自賢大才胥忌惟
宮室陂池之好惟沈酒暴慢是保上帝不歆黎人威威
六軍禦海而東敗萬乘過江而南覆豺狼八邑獍獠爭
人黔首驚然方將無訴我高祖感之乃龍躍晉水鳳翔
太原百神前驅萬姓來奔開咸陽入天門用湯武之兵
靜新室之亂遵唐虞之典承太王之基率百官受終于
文祖輯五玉班瑞于諸侯類圓裡方之禮備封功爵德
之議允約法惟簡代虐以寬子惠困窮懷柔蠻貊金石
一變日月重華近古以來未有革命易姓若此之盛者
也非天私我有唐惟天祐于積德非唐求于人庶惟人
懷于累仁常此之時太宗內啓聖謀外行專斷躬擐甲
胄跋履山川駕英雄而爲奧主一區域而定大業周詩
曰昊天有成命后受之信今之謂也若夫脩德以降命

奉命以造邦源濬者流長根深者葉茂天人報應豈相
遠哉觀周之興始于后稷公劉承以太王王季皆勤儉
忠厚克廣前烈至于文王承之武王啓之康王安之故
卜世三十卜年八百天所命也我唐之興也始於皐陶
玄元承以景皇元帝皆立言邁德垂裕後昆至於高祖
受之太宗有之高宗守之中宗復舊業睿宗新景命比
之周室我何謝焉且如陳德明刑庶其躬稼之績玄宗
道要小其避狄之仁化流率土狹其江漢之域義寧大
朝蓋其牧野之戰故武德中太行出大聲曰唐興理萬
年蓋天之所命年代未可涯也仲尼曰惟天為大惟堯
則之又曰韶盡美矣又盡善也非至德其孰能如此其
大者乎於戲先后捨元子而立予主鬯頌大位而付予
天下自高祖創業百有六戰欽承丕緒十有四載東西

南北無思不服山川鬼神亦莫不寧實惟藝祖儲福之所致豈予幼孫菲德之能及方將運心于玄妙之境勵志于造化之爐發令為祥符施惠為霖雨任賢為兩曜仗能為四時俾溥天之下有形者遂全懷生者自足樹鋪野繭田種嘉穀斷雕為撲捐珠棄玉追大庭而齊風夢華胥而同俗非曰能爾願憑宗祏而效焉癸亥之歲獻春正月濟河橫汾省方展義存問黎老緬慕本邦城郭歸然桑梓如舊覽風物之憂思尋王業之艱難惟高祖若天地之覆載化成萬類惟太宗若日月之照臨光于四表舉晉陽之甲除君側之盜由唐侯之封升天子之號肇基發迹實在於茲仙駕無所或顧懷于舊土靈魄無方儻來歸于此堂郡縣之所宜嚴奉前人有言曰禮不忘本樂保其德如姬詠周原而劉歌沛邑思我烈

祖如聞歎息之音嗟爾後人無念成功之頌頌曰皇矣上帝臨下有赫降監四海求人之瘼吁彼隋煬其政不獲眷我高祖此惟其宅天輔阜陶明刑弼教道遵老氏同玄體妙仁表四乳明融獨照隨父託心史良辨貌高祖誕靈神光夜耀天妹作合日兄夢紹祚生文帝膺運會昌首唱高祖騫飛晉陽萬夫一心元戎啓行火旗炎炎雲鳥洋洋五星迓帝萬國謳唐天網恢疎王師節制威雅連戮老生摧斃山祇引軍河龍渡帝渭倉散積離宮弛閉關輔來蘇遠方咸惠長安宮室上法太微隋遷寶鼎唐在璿璣仗入雙闕詔出九圍三靈協載百祿同歸帝謂太宗表正封略濤蕩颺掃霆馳電爍劔不摧鋒弩無再曠西平汧隴東取河洛杲密德充頭懸面縛北走獯鬻南達蠻荆遼碣作乂梁岐底平風動神行

海隅蒼生莫不來庭於昭義堂哲衆資始天命所起于
胥頌美維予小子夙夜敬止於戲皇王緒思不忘

開元正曆握乾符頌并序 張說

客有朝臣曰聖主正新曆握乾符百僚賡歌以美時六
合鼓舞以頌德先生獨宴默書閤含翰詞林矣其為儻
儻也臣應之曰斗水不能評巨壑之量隙光未足議大
明之體何者見褊而守隘也握乾符者不謂執天命歟
執天命者非夫廣德休曆交相表裏况命者夫子之所
罕言也焉可偏贊而摠握符之盛哉如作者略大本舉
小節不亦仲尼之門所聽瑩也是以涸思乾慮久難其
述客無異焉客曰請終餘論粵若我大唐慶始白雲道
昇紫氣屬漢東失馭淮南不返高祖舉晉陽之甲戡定
關西太宗因漢后之師削平天下高宗收圖海外檢玉

封中九域黎人重代欽澤雖鳴驚改號神龍中興周鼎
歸唐玄圭祀夏中宗違代嬖孽窺國於是乎聖上起藩
邸入鈞陳一麾水心群兇泥首崇復大聖越踐少陽受
禪當宁而光大前烈垂統拜璧而慎寧後嗣四海有覆
盂之安百代無委裘之隙是之謂聖人握符之大寶也
四星入輔五將出禦倚禮樂為國計仗仁義為軍勢英
賢集殿而文教成于戚舞階而武功振敬讓光於九族
孝慈行於萬宇磧嶂西南渤瀚東北熾皮火毳暘炎山
汚熱海向風來玉黑貂駮駿浮天溟絕冰漠連歲獻款
鳥獸無猜入之意草木無不達之氣升中于天比天同
貴是之謂聖人握符之大政也歷試上黨黃龍飛天入
清中禁白虹指日瘞汾睢寶鼎見柴岱宗卿雲蔚非應
事而呈瑞者雖多狎而不紀矣是之謂聖人握符之大

祥也以數推氣以氣定朔以星殷時以閏成歲考星間而革疎度置歲差而辨誤日立大衍之紀參大渾之畧合鍾律之聲極鬼神之情是之謂聖人握符之大曆也若夫仁聖根於內菁華發於外祥兆祕於前謠讖灼於後自然之理也彼洛下閔者漢太初時一巧曆耳其云後八百歲當差一日有聖人正之斯人也抑將露才揚術預證來皇有耆舊之傳記無史策之明文然至隋之開皇及麟德聖歷三家創法一引為徵約之年代則鄰近誓之圖錄則曖昧未有如新曆之昭昭者矣昔在唐虞之際以斗精受命者七神得四均間氣而生者又二十八人所謂三十五際者也禹以金德王故夏后之有天下也生數四百年契以水德王故殷人之有天下也成數六百年稷以木德王故周人之有天下也成數八

百年伯益之命中天而堯族以火德乘之故漢室之有天下也生數再及二百年其間距王而興不能復大禹九州之跡及勝殘百年之命者皆五神之餘氣也皐陶降德皇唐復興土精應王厚德載物生數五百成數千年命曆有歸此其大較修德增祚與天無窮轉算之徒莫能究也緯以入元三百四歲為德運七百六十歲為代軌千五百二十歲為天地出符四千五百六十歲為七精返初大人相應合若符節自堯典命羲和修重黎之舊理顓頊之曆上元甲子千五百餘歲得孔聖而春秋之曆序暨開元十二年甲子凡三千四十歲遇聖上而大衍之曆興是時也土地入生數之元天命當出符之會信矣伏惟聖上聰明文思道德之具也豁達大度皇帝之體也藝摠六經漢光之學也文通三變魏祖之

才也緣情定制五禮之本也洞音變曲六樂之宗也神於弧矢黃軒之威也聖於翰墨蒼頡之妙也兄弟善友王季之心也子孫衆多周文之福也大寶以定天位大政以布廣德大祥以合靈符大曆以啓成命德位兼才臨照如此符命介福粲彰如彼所謂廣德休曆交相表裏之效也善曆者必推來運以自神興王者不俟往言以表聖設微夫洛下閎之語也其不有容成之事乎且如恃有命比於日孰是夏王之福也賴卜年衰其德豈謂周公之訓也故曰王者執天命在於俟天符致天符在於順天德布天德在於保天位四者備矣然後陳其盛德告于神明捨此道也胡可語正天曆握乾符哉諛臣懵學謝生玄造樂虞典之歌舜美周詩之美文敢不敷信辭薦清樂獻上客之課託衆篇之後云爾

維皇六葉於赫啓聖步玉斗握金鏡地維續天柱正山川授方雷雨施令清廟九祐堯門百慶郊稷尊祖擇昌定命德自我流藝從我修龜易八卦龍書九疇文含玉律字吐銀鈎鳴絲鶴舞調箭猿愁集賢榜殿花萼名樓神用外表事行先兆萬目朝徹千心暗曉卿雲爛熳黃龍窈窕遊姑射神人宵登大山天下小飛祥定瑞均靈躋類鞮譯窮天琛維盡地爍此金戟鑄為農器匪直也然探玄索秘軸止輪運辰居星轉得一神疑吹萬情辨發歛潛合晦明幽闡階奠朝開宮槐夜卷正我長曆同符大衍天地清焉日月貞焉四時行焉萬物生焉窮神知化美功成焉金版玉牒遠頌聲焉

上黨舊宮述聖頌并序

張說

維開元十有一祀正月皇帝展義于河東挾右太行留

宴上黨整兵耀武入于太原設都建頌以崇王業南轅
汾睢祈穀后土天清日朗神歆如答三月庚午飲至長
安六軍解嚴四方和會適觀法象遐詠德澤大虞巡之
典修美漢祠之禮舉人心翕而一變神物效而無方於
是邠王臣守禮寧王臣憲申王臣撫岐王臣毓薛王臣
業獻書於內開府儀同三司臣璟尚書臣駿臣象先臣
頌御史大夫臣淮抗疏於外僉曰陛下受天曆數稽聖
典謨道貫三靈仁育萬類掃陰沴而覩日開闢之功也
尊文考而御天帝王之孝也天以陛下為子人奉陛下
為君萬殊之福斯應畢臻三代之風頌聲咸作今潞人
懷代邸詠泗亭採聖崖延左右將表潛龍之館勒啓聖
之圖勤亦至矣陛下推而不報其何以下塞衆望上對
神休哉臣聞天之所啓人之所戴必憑睿聖玄慈之德

元命真符之紀功業見乎變德施加乎時德厚者施溥
功玄者應速或階晦以彰或由難而昌蓋生其德之謂
天授其時之謂命天有成命其可沒乎陛下昔居是州
也紫雲在天神光照室白鹿來擾黃龍上昇隴出仙洞
而神魚躍山開禪穴而靈鍾韻謠言合讖巨迹引途嘉
李傍連祥著自起當此時也金石預變獄訟先歸政殷
六府人重五教陶無罅器漁有讓泉神而化之人不知
力昔龍負圖而大舜登狼銜鈎而后殷昌玄珪錫於夏
禹赤伏歸於漢光應運協符希代稱寶未有窮祥極瑞
倣儻瓌異如今之至者矣若玄既集而不彰則神心不
悅鴻業成而不贊則祝告無聞是掩天休而蓋聖德也
臣子之罪將何解焉願聽潞人以揚丕烈帝曰往者中
宗違代國步微艱天祚我唐大命集于睿宗大聖真皇

帝朕畏天將命不敢怠違其乾符坤沴皆先聖之餘福
朕何力之有焉然重違昆弟公卿之請抑以敬從無違
虛美重朕不德也群臣遊聖蕩莫能名約乎舊史敢頌
成績辭曰

帝德廣運乃聖乃神天祚聖兮唐惟舊邦其命維新再
受命兮帝初正人降居上黨天下往兮黃龍晝見攀天
而上九五象兮帝適于野紫雲之下求必在兮帝寢于
堂變龍有光觀者駭兮天迹童謠木連著立摠神異兮
空鍾化穴縞鹿赤魚何詭異兮上天無聲託類附形覺
悟人兮聖皇齋栗在得戒失昭事神兮皤皤潞老樂我
王道愛舊宮兮赫赫頌功與天比崇摠無窮兮

龍池聖德頌 并序

張九齡

臣聞昔者玄德升聞皇天眷命元聖有作上帝何言而

必見意於休徵志象於幽贊惟茲降監若曰專精道周
萬物者其魄尤功濟生人者其祥大粵若古始肇有君
臣巢燧之前寂寥無紀書契之後炳煥可觀若乃鬼神
睢盱品彙紛錯性命未正吉凶不定而太昊氏將通其
德則河為之出圖人食未粒鳥獸是茹時不耕稼器無
耒耜而神農氏將教其本則天為之雨粟蚩尤不道炎
帝不制銅鐵鑄兵豺狼橫厲而軒轅氏將禁其暴則天
為之降玄女洪水方割下民昏墊堯德莫能弭厥災舜
功不能除其害而夏后氏將理其績則洛為之出書自
茲以降蓋三千歲矣其間木火更三雲物告符有若狼
銜鈎魚躍舟素靈出黃星見豈不以湯德有慙武善未
盡漢道既雜魏方亦偏唯以一至之應且為興王之兆
則未有天錫真符聖受休命遠與大禹相續超與上皇

比崇如我國家之盛者焉惟龍池蓋天之所以祚聖即
今上下居之舊里京師爽塏之地傍無寶澤中忽濫泉
非常而靈液涓流無幾而神化寔廣榮光休氣若烟若
雲所未曾有則此之出雖清可以鑑而深不可底鱗介
塊詭充滿其中時莫知其所然目徒見其有異中宗採
識者之議壓王氣而來遊聖上處或躍之時出飛龍而
合應臨淄始封也邸第在焉上黨歷試也靈符紹至天
其以是永命我唐國家丁寧有所底止其若茲也夫數
有時而否至理也無代而亡固存乎大聖之生也乘運
而作鼓天下之動安天下之危故獎順成功自古之啓
佑之也如彼克定多難自天之叶贊之也如此初中宗
違代后黨窺隙大盜紐於得志群愚起而擅朝若綴旌
旒然當此時也天與若不取思謀若不協則我祖宗之

業無乃將墜而億兆之命亦猶倒懸聖上感之提劍而
起雷霆一奮妖沴以清內難既衰外虞有謚推戴太上
照臨萬邦實天之爲與人更始系皇統維乾綱決綻補
壞蕩瑕滌穢而乃闕典咸備舊章悉舉處窮盡達在困
必通品物資以再生寰區爲之一變然後反華僞於朴
還澆醜於醇以大道爲源以至仁爲根動推是心以御
於事人見德而興行神享誠而介福故不任於刑罰亦
不在於禱請大造化成玄猷充塞有如陽春播澤觸類
皆滋泰山起雲無遠不備雖昆蟲草木與蠻貊要荒樂
其所生安其所習在牛羊而勿踐有干戈而載戢又况
於衣冠華夏禮樂邦家而不形於斯須不彰於漸漬者
也夫然何教非德何化非經何能事之不舉何醇精之
未極周溥洋溢成乎緝熙至於太和莫不允若體包天

地之大事出皇王之表豈擊跽曲拳盡禮極力將用彥
聖不啻其口所能稱誦於吾君所可殆庶於至德且往
者之有開也天感精以降聖聖敬命以奉天此誠有元
則欽明文思及茲報本必嚴祗齋栗靈慶以屬之神化
以荅之與初相明其微乃著紛綸先兆非篤信歟由是
言之統天者人合符者聖而美德序命殊尤卓絕豈多
乎哉至於古之興王必有所感五帝更尚五運傍通七
者黃中之精於今為母水者善利之物於土為妃苟應
期而有來必合德而為表是則然矣天其或者亦阜育
群化發揮蕃祉始告以聖有明徵終成乎帝之神冊因
其立象之本會以相乘之數則載祀六百歷紀千年變
而通之胡可量也宗子宗正卿襄信郡王灤若干人伯
父伯兄仲叔季弟聚族相與詩闕上言天意昭著固已

久矣人事符合亦云至矣而一德是建太階既平靈臺
靈沼赫赫明明天之為大雖莫能名王之在鎬豈無頌
聲上初克讓抑而未許至於累請乃曰俞哉史臣不敏
敢獻頌曰

茫茫元昊載疑載薄在帝庖羲繼天而作浩浩洪水包
山襄陵舜亦命禹夏氏以興龍圖龜書二主是膺湯武
已下夫何足徵命於灤我唐乘運而起續禹之統系
堯之紀五聖在天丕命曾孫高視河洛同符混元亦有
黃龍出於靈沼明明穆穆天子之表德聖倬彼東井昭
章于天沉精降液下為靈泉泉靈有泚有深無底泌之
洋洋其甘如醴清德之鑑柔道之體洪源濬規實天所
啓右龍濯濯靈泉洞冥皇祇滋液流行化為神池曰止
曰行唯聖之作匪鱸匪鮪唯龍之躍植物所生動物斯

樂天根有見曾是不涸右神靈有休氣紛紛郁郁如山
之苞如雲之簇潛龍在下瞻鳥在屋兆云其吉周爰咨
詢既契我龜又叶我人鎬雖舊京其命維新右休蛇虺
黃龍神池既出靈化惚恍噴雲沃日告帝之符其儀孔
信或潛于泉或見在田與時順動亦應于天克酬我皇
無德稱焉

靈武受命宮頌并序

楊炎

臣聞享天降命惟德也哉難奉時惟聖也必有非常之
運是興撥亂之功君以蒼生為憂不以濡足為患以寧
濟為業不以脩身為道此陶唐所以捨而不畏舜禹所
以受而不疑靈武宮皇帝躍龍之所日者奸臣竊命四
海蕩波我聖皇天帝探命曆之數啓龍圖作受命之書
付于我皇帝皇帝方遊崆峒以求至道於是群公卿士

負王旒金璽望氣芒碭之野三進於閭闔之中曰臣聞
在昔蚩尤連禍大盜中國神農氏兵莫能勝天降玄女
勅軒轅氏大定其灾厥後堯有九州之害而命禹禹以
四海之功而受舜陛下主鬯大位十有九年精爽者皆
美德馨乾坤也必聞幽贊玄德上違景福有歸六聖觀
命曆之期兆人有臨難之請陛下畏災運而不寧棄黎
元而不顧以至仁為薄以大寶為輕臣等若不克所請
與億兆之衆將被髮紉膺號於天而訴於帝矣皇帝唯
然改容口豈人心歟丁卯廣平王倣太尉光弼司徒子
儀尚書左僕射冕兵部尚書輔國與北軍將士西土耆
老萬五千人排闥以訴帝曰今豺狼穴居宮闕陛下兆
庶為餌宗廟為墟若臣等誠懇未通是高祖不歆於太
廟且陛下涉渭則洪流涸迴鑿則慶雲見布澤而川池

廣勤道而嘉禾生靈祗髣髴玄貺幽感臣聞符命待聖
而作天運否終而會歲蕤時嚮會也睿武英明聖也臣
等敢昧死上聞帝乃灑齋宮啓金匱嗚咽拜受詔有司
大赦天下改元曰至德元年尊聖父為文武大皇帝是
日煙雲變作土庶踴躍黃龍見於東野紫氣滿於天門
翌日也數百里衣裳會兼旬也數千里朝貢會踰月也
天下兵車會浹時也四方戎狄會以一旅成百萬之師
率胡夷平杜稷之難禮郊祀戴聖皇與人合誠心以氣
消天騫動罔不吉歆無不報是以白鹿變於王庭靈芝
產於延英化動而功成淵默而頌聲言禪代者陋蒼梧
易姓之名語嗣守者羞唐堯積善之辱述戴定者歎四
紀而復夏美中興者崑三六而滅新於戲神祗之所歸
往品物之所法象鼓飛龍於尺水仗大義而東向矢謨

發號實在茲都願篆石宮庭以垂萬古俾過山澤知風
雨之奧窮造化識天地之靈臣炎稽首敢獻頌曰
赫赫河圖啓天之枯雲從億萬皇在九五惟昔陶唐克
傳舜禹護也武也夫何足數彼妖者勃惟暴惟貪天實
即命人將不堪皇曰內禪于再于三盡武之善去湯之
慙兵車百萬洶洶雷震橫會九州為行為陣恃力者踣
從命者順孝以奉天神而撫運至德唐堯崇功大禹皤
皤比叟垂白而覩沛邑空歌周原已古徘徊頌聲以介
茲土

晉府

勅賜養德書院校正重刊

唐文粹卷第十九上

唐文粹卷第十九下

頌乙

總三首

封禪

紀泰山銘

附製玄宗

大唐封禪頌

張說

吳興姚

鉉

纂

大唐封東嶽朝覲壇頌

蘇頌

紀泰山銘

附

玄宗御製

朕宅帝位十有四載顧惟不德慙於至道任夫難任安夫難安茲朕未知獲戾於上下心之浩蕩若涉於大川賴上帝垂休先后儲慶宰衡庶尹交修皇極四海會同五典敷暢歲去再熟人用太和百辟僉謀唱予封禪謂孝莫大於嚴父謂禮莫尊於告天天符既至人望其積固請不已固辭不獲予與夫二三臣稽虞典繹漢制張皇六師震疊九寓旌旅有列士馬無譁肅肅邕邕翼翼溶溶以至於岱宗頂也爾雅云泰山為東岳周官曰充

州之鎮山實惟天帝之孫群靈之府其方處萬物之始
故稱岱焉其位居五岳之伯故稱宗焉曰若者受命易
姓於是乎啓天地薦成功序圖錄紀氏號朕承先王茲
率厥典實欲報玄天之眷命為蒼生之祈福豈敢高視
萬古自比九皇哉設故壇場於山下受群方之助祭躬
一燎於山上奠一獻之通神斯亦因高崇天就廣增地
之義也及仲冬庚寅有事東岳類于昊天上帝配我高
祖在天之神罔不畢降粵翌日禪於社首侑我聖考祀
於皇祇在地之神罔不成舉暨壬辰覲群后上公進曰
天子膺天符納介福群臣拜手稽首稱卜萬歲慶荅歡
同陳誠以德大渾叶度彝倫攸叙三事百揆時乃之功
萬物由庚兆人允植列牧衆宰時乃之功一一兄弟篤
以孝友錫類萬國時惟休哉我儒制禮我史作樂天地

擾順時惟休哉蠻夷戎狄重譯來貢累聖之化朕何慕
焉五靈百寶日來月集會昌之運朕何感焉凡今而後
倣乃在位一王度齊衆法擢舊章補缺政存簡易去煩
苛思立人極乃見天則於戲天生蒸人惟后時乂能以
美利利天下事天明矣坤厚載物惟后時相能以厚生
生萬人事地察矣天地明察鬼神著矣惟我藝祖文考
精爽在天其曰懿予幼孫克享上帝時若馨香其丕乃
曰會我之文武曾孫其誕錫新命續我舊業永保天祿
子孫其承之予小子敢對揚上帝之休命則亦與百執
事尚綏兆人將多于前功而茲彼後患一夫不獲萬方
其罪予一心有終上天其知我朕惟寶行三德曰慈儉
謙慈者覆無疆之言儉者崇將來之訓自滿者人損自
謙者天益苟如是則軌迹易循基構易守磨石壁刻金

記後之人聽詞而見心觀末而知本銘曰
惟天生人立君以理惟君受命奉為天子代去不留人
來無已德涼者滅道高斯起赫赫高祖明明太宗爰革
隋政奄有萬邦罄天張宇盡地開封武稱有截文表時
邕高宗稽古德施周溥茫茫九夷削平一鼓禮備封禪
功齊舜禹巖巖岱宗衍我玄神中宗紹運舊邦惟新睿
宗繼明天下歸仁恭已南面網緼化醇告成之禮留諸
後人緬予小子重基五聖匪功伐高匪德矜盛欽若祀
典丕承永命至誠動天福我萬姓古封泰山七十二君
或禪社首或禪云去其迹不見其名可聞祇通文祖光
昭舊勲方士虛誕儒書齷齪佚后求仙誣神檢玉秦災
風雨漢汙編錄德未合天或承之辱道在觀政名非從
欲銘心絕巖播告群嶽

大唐封禪頌

張說

皇唐六葉開元神武皇帝再受命致太平乃封岱宗禪
社首鑿石紀號天文煥發儒臣志美立碣祠壇曰厥初
生人俶有君臣其道茫昧其風朴略因時而歛起與運
而紛落泯泯沒沒無聞焉爾後代聖人取法象立名位
衣裳以等之甲兵以怛之於是禮樂出而書記存矣反
其源致敬乎天地報其本致美乎鬼神則封禪者帝王
受天命告成功之為也閱曩聖之奧訓考列辟之通術
疇若天而不成曷背道而靡失由此推之封禪之義有
三帝王之略有七七者何傳不云道德仁義禮智信乎
順之稱聖哲逆之號狂悖三者一位當五行圖錄之序
二時會四海昇平之運三德具欽明文思之美是謂與
天合符名不死矣有一不足而去封禪人且未許其如

天何言舊史者君莫道於陶唐虞舜臣莫德於臯陶稷
高三臣降德皆有天下仲尼叙帝王之書繫周秦之誓
明魯祀周公用王禮秦承伯益接周統孔聖微旨不其
効歟然秦定天下之功高享天祿之日淺天而未忘庭
堅之德也故大命復集于皇家天之贊唐不惟舊矣其
興之也玄靈啓迪黃祗顧懷應歸運以義舉撫來蘇以
利見護也無放夏之慙武也無伐殷之戰高祖創業四
宗重光德有格天漏泉蒸雲濡露菌蠢滋育氤氲涵煦
若天地之覆載日月之照臨溥有形而歸景罄無外而
宅心百有八年于茲矣皇帝攘內難而啓新命戴睿宗
而續舊服宇宙更闢朝廷始位蓋羲軒氏之造皇圖也
九族敦序百姓昭明萬邦咸和黎人於變立土圭以步
曆革銅渾以正天蓋唐虞氏之張帝道也天地四時六

官著禮井田三壤五圻成賦廣九廟以尊祖定六律以
和神蓋二代之設王制也武緯之文經之聖謩之神化
之然猶戰戰兢兢日慎一日納規誨以進德遂忠良以
代工講習乎無為之書討論乎集賢之殿寵勇爵貴經
門翼乎鴻鸞之列在庭毅乎貔豹之師居鄙人和旁感
神寶沓至乾符坤珍千品萬類超圖溢謀未始聞記我
后以人瑞為心不以瑞物為意王公卿士儼然進曰休
哉陛下孝至於天政合乎道前年祈后土人獲大穰間
歲祀圓丘日不奄朔感祥以祈聖因事以觀天天文交
合其則不遠意者喬丘掃路望翠華之來上帝儲恩俟
蒼壁之禮久矣焉可專讓而廢舊勛群臣固言勤帝知
罪至于再至于三帝乃挹之曰欽崇天道俯率嘉話恐
德不類敢憚于勤其撰巡狩之儀求封禪之故既而禮

官不戒而備軍政不謀而輯天姥練日兩師灑道六甲
按隊八陣警蹕孟冬仲旬乘輿乃出千旗雲引萬戟林
行霍漢燐爛飛焰揚精原野為之震動草木為之風生
歷郡縣省謠俗問百年舉百祀興隆典葺闕政攸徂之
人室家相慶萬方縱觀千里如堵城邑連歡丘陵聚舞
其中垂白之老樂過以泣不圖萬里之魂復見乾封之
事堯雲往舜日還神華靈鬱爛熳乎穹壤之間是月來
至于岱祗祓齋宮滌濯靜室凝神玄覽將歛太乙議夫
泰山者聖帝受天官之宮天孫摠人靈之府自昔立國
莫知萬數堯升中而建號惟七十而有五我高宗六之
而今七矣非夫尊位盛時明德曠代遼濶難并之甚哉
先時將臻夫大封也累封疆於高岡築泰壇於陽趾夫
其天壇三襲辰陞十二咸秩衆靈列坐有次崇牙樹羽

管磬鏞鼓宮懸於重壇之內千戚釵及鈎戟幾戰周位
於四門之外伐國重器傳代絕瑞旅之於中庭玉輦金
轂翠冒黃屋夾之於端路庶官百辟羗夷蠻貊褒成之
後讓王之客序立於禮神之場髦頭弩牙鐵馬金鏃介
冑如雪旗幟如火遠匝於清禁之野於是乎以天正上
元法駕徐進屯千乘於平路留群臣於谷口皇帝御六
龍陟萬仞獨與一二元老執事之人出天門臨日觀次
沆瀣宿曉曩赤霄可接白雲在下庚寅祀高祖於上封
以配上帝命衆官於下位以享衆神皇帝冕裘登壇奠
獻俯樓叶金奏佾羽舞撞黃鍾歌大呂開闔闔與天語
清將信公奉斗布度懋建皇極勤恤蒼生昭嘏乎未兆
禳災乎未萌上下傳節而禮成樂遍福壽同歸而帝賜
神策乃檢玉牒於中頂揚柴燎於高天庶忠誠之上達

若憑焰而駕烟日轡方旋神心餘眷五色雲起拂馬以
隨人萬歲山呼從天而至地越翌日尊睿宗侑地祇而
禮社首遂張大樂觀東后國風惟舊無黜幽削爵之誅
王澤惟新有青災大賚之慶不泐日至化洽於人心不
崇朝景福遍於天下然後藏金匱於祔室迴玉鸞於上
都煌煌乎真聖朝之能事而高代之盛節者也于斯之
時華戎殊俗異音同歎曰兵合多雨山峻多雲豈有大
舉百萬之師剋期千里之外及行事之日則天無點翳
地無纖塵嚴冬變為韶景寒風鬱為和氣非至德其孰
能動天如此其順者乎昔人去自西自東自南自北無
思不服今信知聖人作而萬物覩其心服之之謂矣或
曰祭泰折主先后非禮歟曰是禮也非宜也王者父事
天母事地侑神崇孝無嫌可也且夫柴廩外事帝王主
之蒸嘗內事后妃助之是開元正人倫革弊禮起百五
之法也故令千載睹末光聆絕韻咀甘實漱芳潤燦玄
妙之至精流不已之淑聲臣說作頌告于神明四皇墳
而六帝典雖吉甫亦莫能名徒採彼輿人之詩曰大矣
哉惟天為大惟皇則之率我萬國受天之祺子孫百代
人神共保綏之云爾而已矣

大唐封東嶽朝覲頌

蘇頌

封祀之山五在中國泰嶽首之昊穹之命再集巨唐皇
帝受之臨位十四年考虞氏歲巡之義諷周王時邁之
什十月辛酉步自有洛十一月景戌帳殿齋於岳趾淵
默以清繹思而照將紀功布度順斗承天精享也已丑
宏觀軼區宇盛儀振開闢高臨建鳳萬隊張皇以燭山
上御飛龍百神翕習以扶道國台二藩后四髦士密侍

信臣高位苞封臺列升陛下下五十以聖言冲邈瑤牒
寶書誓之旨曰朕獲守丕業恐不克駿命惟上帝儲休
錫蒼生無疆之慶朕之慶古則秘之何哉屬寒馳迅露清終夕若掃若鋤晏然而已庚寅天官次錄王制協
時嚴高俎以配之嗣高宗以陟之冕袞立珪璧序潔壘
俎調鍾呂倨勾於箕簾臺擊乎祝啟寶駢瑞兮物焜煌
空薄霄兮音容與則纖塵不動和氣冲塞日在於觀天
為之門揚日大光謂小天下昭以抱載見之卿霽郁郁
紛紛喜氣網煜當芝檢引以紫熏太紫洞而三辰接鬱蒼搖而萬歲聞自下達上徑以吾君君之來兮望如雲端兮醉聖之門至尊辛卯有車于社首以泰折如泰壇於穆我睿宗侑而作主奠獻唯四咽天子之孝也僉以金匱勛於祖禰石臧藏美於於坤戒咸秩則司存矣已載大

旂合大樂三陔嶠以惟抗四亞鏘而輅止朝群牧揆千官底邦賦數庭實華蟲辨等車馬來覲周人隨人二王之賓戎狄蠻貊萬里重譯必拱于著執贄奉璋顛顛昂昂靡敢怠違乃建雞竿伐鼙鼓帝命出皇恩溥揚巽風作解雨施舍之蕩滌之宥法罪除頗類頽湧洋溢周流黜黜不崇朝而遍者與此山俱疇翳而不拔胡微而不鋪也亦既稱壽申命宗伯台爾頌焉劾古之刻石臣頌稽首再拜而言曰臣聞昔仕帝堯臣惟咎絲聰明之謂聖邁種之謂德天若曰依于巨唐易姓者李王於中華崇功者唐聖之澤德之浸也我唐祚之興昌符誕膺兩儀動六葉承皇帝宣高祖四宗之景烈肇開元神武之明號廣矣大矣莫有不寧罔有不併咸一德之輔不二心之臣群后抗詞曰臣聞先王因天事天因地事地因

名山升中于天陛下得天之經得地之義得人之行行也者孝莫大焉兼三才以為政政也者仁莫大焉含萬物以為性今三才貞萬物亨六典平九功成官不滔獄不放至於刑清良有以也因斯而談清明在躬志氣如神之睿者君也四國于藩四方于宣之美者臣也有物有則我君臣保乂之原所由於前設其教於後介往歲邦危中否天討內難陛下提三尺之劍排閭闔絕鉤陳趨北軍正北辰然後翼翼乾乾尊尊親親立我蒸人聖考所以付天下之公器蹈汾陽之清塵唐雖舊邦其命惟新古者振兵釋旅祠土祈穀先事也我是以幸太原祭汾唯耀今甲肅邊鄙虜馬龍警而不敢南向解嚴京師獲寶鼎獻宗廟戍人歸而盡務東作報福京坻於是乎爰佐五時郊天以奉時爰崇九室禘祖而敬思昭格遲

遲神人允釐無何籍三春盛六穗不召斯至擁休之類如山則委曷月而秘豈非享物降嘉司火也立渾同度在璿也陛下姑謂之薄臣所未諭且管氏詫齊帝王凡八十九湮淪鬱沒孰若致美我高宗勒岱甲子正六十年嚶歲蕤故能應期我神武惟繼代奉業增高保鴻缺乎中何也即先后以權輿阻于運二宗紹復未遑厥功神閭之契不在諸子而當聖躬固不可辭者審矣帝曰俞畏德之不稱而左輔右弼雜播神鴻碩之倫抱絕懷書蒸雲吐霧方集賢內殿講議前席以論之傳不去乎君子勤禮敬之至也易不去乎先王作樂豫以動也慎矣哉禮樂之為用故執禮者具刪弊則質宜之自我變樂者理去商何害謙以為臣二者洽而三讓之制曰可始嚴鹵簿騰七萃啓禁關迴九重以聽乎鸞聲之雍雍

匪疾匪徐物有其容動植讚華夷觀駢闐總搏羨漫半
散出成臯踰榮波憑滑臺眺洪河遂並昆吾之墟徜徉
乎大舜之澤瀕四瀆二濟入于兗徑九一二三齊喬於岱
推二旬有六而頓行在莫不瞞瞞華皓如藿傾陽或牽
以餽或捧之觴偃僂乎康莊一以伸神武之今日二以
感乾封之舊章迺餽歸之觴舉之慈且惠而與之驩沸
渭頡頏矧國鄒魯家洙泗乘汶野而圖記可知指泮林
而頌聲不墜以周公之故將孔子之後翹然希王者之
屬車聖人之清蹕則父及信伯之應巖巖所瞻宗神曰
天齊王加一等於三事戶二十供五祀環十里禁人樵
報也大禋旅之數重褒成之祿撫遺吐賜之復帝曰吓
夫艱難繫王業休咎牽人事况天監之殊祥也殊典也
不自滿而虔鞏于位朕寶臣曰乾曜泊說有初有終時
乃風欽哉汝作朕左右丞相繫汝忠益以嘉猷補衮之
闕罔或怠遂弘天封煥天章篆介丘而旋德陽大饗乎
群方程後代美其律聲其實墳作四而籍言士也臣頌
不敏繼伯夷之直清微太史之留滯聆金奏同百獸之
舞振木鐸採萬人之詩敢陳詩以頌曰
天子聖兮天孫崇登以封兮報以功受命再惟皇代天
之賚人所載士馬山喋戈矛山沓禎符山雜靈響山荅
天與人合我鋪衍考表粹消太元冊兮太一精休光光
我之慶成舜四朝而禹萬國莫之我京

唐文粹卷第二十一 頌乙

雅附 總八首

神武

大唐中興頌 元結

鳳翔出師紀聖功頌 楊炎

吳興姚 鉉 纂

時政

大唐河西平胡頌 楊炎

平淮夷雅 附 柳宗元

豐羊

德勝頌 歐陽詹

祥應

歲星居心頌 權德輿

高世

伯夷頌 韓愈

大唐中興頌 并序 元結

天寶十四年安祿山陷洛陽明年陷長安天子幸蜀太子即位於靈武明年皇帝移軍鳳翔其年復兩京上皇還京師於戲前代帝王有盛德大業者必見於歌頌若今歌頌大業刻之金石非老於文學其誰宜為頌曰桑

噫嘻前朝孽臣姦驕為昏為妖邊將騁兵毒亂國經群
生失寧大駕南巡百僚竄身奉賊稱臣天將昌唐繫睨
我皇匹馬北方獨立一呼千麾萬旗戎卒前驅我師其
東諸皇撫戎蕩攘群兇復服指期曾不踰時有國無之
事有至難宗廟再安二聖重歆地闢天開蠲除妖災瑞
慶大來兇徒逆儔涵濡天休死生堪羞功勞佐尊忠烈
名存澤流子孫盛德之興山高日昇萬福是膺能令大
君聲容沄沄不在斯文湘江東西中直浯溪石崖天齊
可磨可鐫刊此頌焉何千萬年

鳳翔出師紀聖功頌并序

楊炎

舜有兩階之舞周有孟津之會皇帝有岐陽之蒐德莫
勤乎安國勛莫配乎立極利萬物莫近乎去暴蓋受天
元符與人請命冥契相合億兆有歸以唱則感神鬼之

心以征則去雲雷之難維唐七葉姦臣大盜於二京皇
帝龍鳴於河北觀兵雍上建都發號以朝萬國心嚮天
地志通幽昧淳精四達大造玄成於是巢山駕海之群
狼燾鳥章之君不期而趨于闕下者四十有三萬元帥
廣平王倣太尉光弼司徒子儀等稽首言曰臣聞天啓
聖以俟時聖感時而赴難非神功不能當大運非玄德
不能合人心故軒轅之道也伏蚩尤宗周之仁也稱襁
負陛下之德大瑞於人和人和而動天天與和合氣百
姓因之以獨化四夷因之以子來王師德之以貞勝意
者河洛僊怨後東征之期人靈駿奔望西狩之禮天子
方齊寶輅講金匱之書翌日霓旌武賁大車之輪黃鉞
靈鼉彤弓太阿荆韓楚魏之廣七閩五獠之長金鼓百
萬卓從九合大陣于東郊皇帝建白麾以誓于衆曰維

高祖歆于上天四宗重光照臨下土百有五十祀至于
聖皇惣武之干戈備文之法象蕞尔逆虜敢迷天紀盜
我符璽黷我威靈使四海之內兵革縱橫肝腦塗裂旻
蒼降鑿錫命於予俾績夏已墜之功寬堯未刑之族於
戲余匪玉帛山河是愛惟蒼生災害是憂匪天命威力
是憑惟人心忠義是保咨爾張目成天羅植髮成干櫓
布和成將帥厲氣成風雲若作進退爾惟旗鼓若斷首
尾爾惟長蛇若戮鯨鯢爾惟干將若拯沉溺爾惟巨艦
夏有一旅之衆武有十人之之暮志定金石信非盟誓爾
其念哉是時天威動六合六氣連太白乾坤為之坎軋
河嶽為之震蕩彼狐鳴鑿止幽之徒不崇朝而聲反於謳
歌形歸於蹈舞者幾過半空八故鄆杜之師以形勝霸上
之堯以威逐桃林之陣以奇破河洛之孽以氣摧帝乃

明天下迴豹尾陵顛氣鎖攬搶應龍秉鉞玄女侍坐乃
考夏氏配天之義備漢皇建武之典雲髦玉輅山勳地
踊降自西雍幸于京師萬姓前導百靈為衛布德澤以
陵寢悲黍稷之將秀覽城闕之為墟以雷雨洗川澤以
皇風清怨怒以大賞議勤勞以成功告宗廟以詳明去
聾昧以惠政哀困窮清蹕而奉聖皇稱觴以朝前殿於
是東國耆老長安士庶排御路入天庭動千門呼萬歲
煙雲下遶林藪山迴神靈頌於堂精鬼感於廟王侯慶
於國父子洽于家鍾石反於縣壘俎陳於席華戎踊躍
喜氣磅礴日退三舍天聲萬里神謀不得窺其奧天道
不能後其時斯一會之略也然後動變化為鑪假仁義
為途陶氣象鑿耳目與神合司契以道浸澆醜全犀象
之形斷珠玉之頸然後以景星燭夜甘露清氣昇閭風

對天老捨鴻名以還太素乘大曆而統人紀俾不思而
降不祭而歆以元和感生淳古於是宰臣聚而言曰主
上以神武清難至德遂人崇勛絕瑞光照萬古闢開日
月于今六年百姓豈忘力於帝乎人臣盍謝生於天乎
請相與鑿石於誓師之場告成於得衆之地斯王道之
盛典臣炎稽首敢獻頌曰

天命帝兮蕩妖昏交風雨兮會秦門惟聖德兮漫海外
五單于兮勇士會俗鳥獸兮家雲島越浮山兮泛青草
徵羽騎兮列天營啓金騰兮賜長纓日為車兮雷為鼓
醢鯨鯢兮掃烟雨開明堂兮饗文祖帝為皇兮后為母
歌雲臺兮冊王府篆穹石兮駕終古

大唐河西平胡聖德頌并序 揚炎

維唐至德二年春正月武威郡胡泊九蕃夷落內伺師

旅之間外合狼豕之凶元據金城害州伯蛇變交戟之下
炎焚大澤之中二月乙丑皇帝以五命之服詔太僕崔
儼摠中權專上將誓早前之士却城下之盟又命內常
侍劉日新振鼓鐸之立日護羗戎之長林竦蝟合會于東
郊粵庚午高牙大旆鐵馬長鎩歎以清笳陣以雲蛇列
于四衝蓬頭執戟鼓以靈鼉進于達路趨悍獷揆虎裘
猿臂北陵于土門之隊鈎車雲梯強弩堅楯齊傳于西
烽之亭於是引熊虎之師杖龍蛇之劍矛戟四起煙塵
火色金鼓一振天地徘徊血亂玄黃聲囂瓦屋是風雲
皆入陣彼草木盡為兵日月垂照於窮鄉皇靈赫臨于
天外名王貴馬大玉文貝素女錦衣百金之產萬井之
資皆委于入貢之府布于有地之宮是時也千人踊萬
人賀美太階之符見頌偃伯之議興特進金城太守李

萬頃泊吾邑長吏軍正大夫等言曰蓋聞王命先天以奉時賢臣合統以偕運靡乘乎帝錄不能撥亂罔應乎間氣不得遭逢故大人之作必先靖難以摧兇取暴為治國以任賢使能為建功磅礴乎茅茨之下歲蕤乎玄吉之上斯軒轅得之以勝蚩尤大夏得之以勝有扈西伯得之去殷伐崇太宗得之奄有遼海上皇得之克平巨猾陛下得之再清宇宙掃蕩氛孽允若大唐之新命復高祖之天下臣等恭惟六聖騰光百有五十祀周賁海寓鋪敷菌蠢丹穴之賁孤竹之君金薊括羽委命下吏陛下建大號績鴻業歸勛祖禰昭事聖皇是必天錫忠良佐成命器二臣所應皇運之統伏崇羽之兇太康西人永永來裔願篆石誌美以為頌云
詔虎臣兮磴天狐載火旗兮耀昆吾霽塵壘兮被戎都

獻平淮西雅并表

柳宗元

臣某言臣負罪竄伏違尚書牋表奏十有四年聖恩寬宥命守遐壤懷印曳紱有社有人云云伏惟睿聖文武皇帝陛下天造神斷克清大憝金鼓一動萬方畢臣太平之功中興之德推校千古無所與讓臣伏自忖度有方剛之力不得備戎行致死命况今已無事思報國恩獨惟文章伏見周宣王時稱中興其道彰大于後罕及然微於詩大小雅其選徒出狩則車攻吉日命官分土則崧高韓奕蒸人南征北伐則六月采芑平淮夷則江漢常武鏗錫炳耀盪人耳目故宣王之形容與其輔佐今由望之若神人然此無它以雅故也臣伏見陛下自即位以來平夏州夷劔南取江東定河北今又發自天衷克翦淮右而又大雅不作臣誠不佞然不勝憤踊伏

以朝多文臣不敢盡專數事謹撰平准西雅二篇雖不及尹吉甫邵穆公等庶施後代有以佐唐之光明謹昧死再拜以獻平准西雅二篇

皇武

方城

皇武命丞相度董師集大功也

皇者百其武于激于淮既徒既車環蔡其來狡衆昏囂甚毒于醒狂奔叫呶以扞大刑皇咨于度惟汝一德曠誅四犯其後汝克錫汝斧鉞其往視師師是蔡人以宵以釐度拜稽首廟于元龜既類既禡于社是宜金節煌煌錫錯彫戈犀甲熊旆成人即是荷度拜稽首出次于東天子饑之壘斝是崇鼎臠俎載五獻百籩凡百卿士以周旋既涉于漣乃翼乃前孰圖厥猷其佐多賢宛宛周道于山于川遠揚邇昭昭降連連我旆我旗于道于

陌訓于群帥拳勇來格公曰徐之無恃頌頌式和爾容惟義之宅進次于郟彼昏卒狂哀兇鞠頑鋒蝟斧螿赤子匍匐厥父是克怒其萌芽以悖太陽王旅渾渾是佚是怙既獲敵師若飢得餉蔡兇伊窘悉起來聚右擣其虛靡愆厥慮載闢載被丞相是臨弛其武刑諭我德心其危既安有長如林曾是謹誥化為謳吟皇曰來歸汝復相予爵之成國祚以夏墟度拜稽首天子聖禎度拜稽首皇祐下人淮夷既平震是朔南宜廟宜郊以告德音歸牛休馬豐稼于野我武惟皇永保無疆

皇武十有一章章八句

方城命總守也卒入蔡得其大醜以平淮右方城臨臨王卒峙之匪微匪競皇有正命皇命于愬往舒余仁蹈彼艱頑柔惠是馴愬拜即命于皇之訓既礪

既攻以後厥刃王卒疑疑熊羆是式銜勇韜力日思奮
殛寇昏以狂敢蹈愬疆上獲厥心大袒高驪長戟首矛
祭其綏章右翦左屠聿禽其良其良既宥告以父母恩
柔于肌卒責爾有維彼攸恃乃偵乃誘維彼攸宅乃發
乃守其是爰獲我功我多陰謀厥圖以究爾詛雨雪洋
洋大風來加于燠其寒于適其遐汝陰之茫懸派之峨
是故是震大殲厥家狡虜既靡輸于國都示之市人即
杜行詐乃諭乃止葵有厚喜完其室家仰父俯子汝水
云云既清而彌蔡人行歌我步逶遲蔡人歌矣蔡風和
矣孰類蔡初胡旣爾居式慕以康為愿有餘是究是咨
皇德既舒皇曰咨愬裕乃父功百我文祖惟西平是庸
內誨于家外刑于邦孰是蔡人而不率從蔡人率止惟
西平有子惟我有臣疇允大邦仁惠我人于廟告功以

顯萬方

方城十章章八句

聖政紀頌 井序

來鵠

穆宗皇帝臨大朝與群臣言奏政事群臣退而宰臣奏
曰陛下問及乎政事此三皇五帝之所徽美也陛下不
問及史臣此三皇五帝之所弭已也徽美者將有乎聞
也弭已者將有乎亡也以聞之而又亡之則陛下徒有
宵衣旰食之名規天條地之績與群臣言後若飈然拂
冠過冕湮時銷日無得用於後譬如十夫樹楊一夫拔
之無得以成其大也政事群臣得陛下日問之是十夫
樹楊也史官執筆為陛下日遠之是一夫拔楊也使後
之人訝聖朝空晨虛夕閑殿曠庭無君臣咨謀洋溢之
言乏社稷安危強讜之說是不亦遠史臣致不載其事

如拔去其揚將弭已之謂乎臣伏念貞觀永徽之代百
官之有耳目但聽視天子而已故言事者安論紆詞無
疑權慮勢史官執筆于陛之下天子側旒于殿之上奏
者發誠于廷之中是以正衙一開則臣誠前而啓之帝
旒近而鎮之史筆隨而絡之由是君臣謀國圖政之事
俞機都要之言訖業發神曲且編照物偕籍于堯典堯光
于天陽至今見太宗文德若三皇五帝之所徽美也自
永徽之後宰執不正窺伺是忌針棘前後阻越對駁狼
噬虎食持膏銜肉蓋以言多為已曾不致君內荏失中
畏使人聽乃奏史官與百僚俱退然後宰臣請事由是
君有問而宰臣知之史臣不得與於聞君有舉而宰臣
謀之史官不得記其事次第周行檢錄制誥與冗吏同
工而已臣嘗涕泣以歎豈有以一已之細一性之忌於

忝畧圭景之間苟嗜急須迴天遮上使聖緒神績有嘉
敷善諷罔得聞於千萬年枉有謂明朝空晨虛夕閑殿
曠庭無君臣咨謀洋溢之言乏杜稷安危強讜之說若
今踵而承之則不惟臣有障聰蔽睿之刺抑陛下雖有
三皇五帝之所徽美而若遠史臣則三皇五帝之所弭
已也抑又有一夫拔揚之謂歟臣請史官執筆當群臣
奏事隨日錄撰號為聖政紀臣立朝尚祿幸甚穆宗皇
帝動宸頷旒憮然歎曰吁朕罔敢粉名厥後乃罔知厥
後然聖人存簡策者亦非以粉名也蓋存乎大國之典
鴻祖之業我國有典我祖有業業在于典典在于史曷
厥史不書是尸余于祖涸業于典也朕纘承聖緒恭惟
恪思將念厥政未嘗不離安廢酣馳荒鶩遠是以每與
宰臣言如簇天下一巡省每見宰臣退而展天下盡聞

知豈圖臣蓄猾謀公無同事欲弄尾舌先衛巖穴隔斥
史臣占佞明后致懿搜嘉訪不存堯典之書善諷名猷
莫出清廟之什史臣負我不舉其官宰輔盡忠厥聞有
此由是詔史職執史筆立于廷之下錄君臣臚句之必
行載剛毅進退之敢議題其篇目曰聖政紀也至上之
即位三年有鄉校小臣來鵠居山澤間常私心重惜史
臣以其史臣者是當國之鏡千億代之眉目也因窺得
宗實錄得解憤釋嫉於立史官為聖政紀者追而頌出
其事以鑒今之廷列故拜獻其頌曰

二皇不書五帝不紀有聖有神風銷日已何教何師生
來死止無典無法頑肩鼻比三皇實作五帝實治成天
造地不昏不圯言得非排文得聖齒表表如見者莫若
乎史是知朴繩休結正簡斯若君誥臣箴觚編毫絡前

書後經規善鑒惡國之大章如何寢略嗚呼貞觀多叶
永徽多俞廷日發論殿日發謨牙孽不作鳥鼠其除論
出不蓋謀行不紆楹然史臣蛇然史裙瞠瞠而視透透
而婁翹筆當面決防納污不枯爾智不席我愚執言直
注史文直敷故得粲粲朝典落落廷謔聖牘既多堯風
不淺頌編坦軸君出臣顯若儼見旒若俯見冕無閑殿
曠庭無尸安素晏三皇不亡五帝不翦太宗得之史焉
斯展既乎後相圖身天子專問我獨以言史不得近立
明見嫌倚相在擯秉筆如今隨班不進班退史歸惘然
疇依奏問莫覩嘉謀固稀取彼詰命祿為國肥烟哉時
皇言必及章德室五帝道奧三皇如何翊臣嚙肉嗜益
甯距磨快福衡物長控截僚位占護陽光垣私藩已遠
史度唐俾德音嘉訪默縮暗亡咽典噤法蓋聖籠昌曷

以致此史文不張後必非笑將來否臧謂乎殿空宸逸
朝僭廷荒不知姦蔽文失汪洋有貞觀業有求微網亦
匿匪見亦寢匪彰賴有後臣知言不佞伊尹直心太甲
須聖事既可書史何不命乃具前欺大陳不敬曰逐史
之俞請以物並且十夫樹楊一夫欲競裁旣未牢撰豈
能盛帝業以裁逐史以撰穆宗憮然若夜若營何昔臣
斯隱我祖正不傳親問不寫密諍孰示來朝以光神政
由是天呼震爰徵奔召急史提筆來叱廷而入端耳抗
目不搗不挹獬豸側頭螭蚪擺溼握管絕怡當殿而立
君也盡問臣也倒誠磊磊其事鏗鏘其聲大何不顯細
何不明語未絕緒史已錄成錄成謂何書政紀名伊紀
清芬可昭典墳古師官鳥昔聖官雲方之我后錄里書
分錄有君法書有君文君法君文在聖政紀去殿無閑

時庭無曠日雲詠波訪倦編刊筆君劬臣勞上討下述
惟勤惟明在聖政紀出至德何比至教焉如孰窺孰測
外夷內儲謂君有道乎臣有謨歟有道有謨在聖政紀
書一體列秩同力翼戴析福去故絕防無礙國章可披
唐文可愛善咨不偷嘉論不蓋不偷不蓋在聖政紀載
諒夫惣斯不朽可懸魏闕愚得是言非訛非伐實謂鑿
臣渾沌開君日月妖物零死天文光發唯我之有頌兮
奚斯躍而董狐蹙

德勝頌二章 并序

歐陽詹

唐貞元六年歲在庚午陰陽家流曰歲在午人馬食土
人之所食也穀馬之所食也草今言食土明歲無嘉穀
而野無青草則運數于茲合凶災之大者於是天尋舊
步地轉恒軸交糾迴薄將有結于常珍自春二月至于

夏五月或赫日杲杲或密雲溶溶為焦灼為霖霖似不日而至皇帝宿布大和人神鳥獸魚鼈咸若騰歡心揚喜雲欣欣熙熙休氣中積決磅礴浮蒼蒼潛相憂磨力強者勝九陽搆旱而莫展六陰作潦而不就氛侵霽為慶雲烈景暎為祥光油油薰薰宛復如春塊不破而肉足條無聲而風暢日者生氣欲凝淑氣猶競彼雖罔得為禍此亦未能為福徘徊相持時澤不降五稼含萌而待藝百芳蓄穎以思拆至是土膏融甘液宣若決滄泉如開湧煙豐本增岐芄芄絲絲無磽瘠與良沃惟一十於百千贖蔬雲蠹以委圃餘糧獄峙而栖畝夫體病不能害心心平必能制體古人曰人者天地之心也既和日平則天地之病又焉得成歟况奔走游泳之物曰靈曰蠢之類皆吁歛怡逸於其中一宜其瘳乾元之宿疹

愈坤元之常疾以至於交泰如斯之盛耶古先帝王至聖則堯至仁則湯有黎暵以稱理歷水旱而莫禦豈不以道未全洽而德尚涼哉皇帝非徒能禦之又易之為大慶殊祥其於道德可謂充塞洋溢光今而邁古矣元元嗚啞歌聖代者動天啟地以夜繼晝而其詞未弘輒為頌二章用貽於康衢庶事明而聲暢流乎無窮而以德勝目篇頌曰

歲在午天災于常昔人食上今我飫梁匪徒我飫梁鰥寡千箱盛矣乎吾皇之德變膏為祥休哉德兮歲在午天災斯屬昔馬食土今牛饜菽匪徒牛饜菽犬豕梁肉盛矣乎吾皇之德轉禍為福休哉德兮

歲星居心頌并序

權德輿

皇上宅位六祀七政貞明於上七教敷聞於下其有不

迪不吉不庭不若之徒皆薰然而和晻然而化春三月
司天氏奏歲星居心宿五度其色黃明潤大光澤帝位
積五十餘日詔下有司頒示中外故臣得而言之以形
歌頌謹按歲星五帝為蒼五行為木五常為仁五事為
貌天意若曰持以至仁為理覆露萬民浹洽生類協夫
五行五事之用則發於星緯形於禎應陰騭大化昭報
成功玄符幽贊其昭昭如是禮運之論聖人曰以日星
為紀四時為柄洪範之敘皇極曰欽時五福用敷錫厥
庶民發於人格于天天人之感合若符節其年秋平河
中之寇葬其遺骸復其世紀班淮右之師用弘文教用
去武備此二帝三代所以恢令名也於是一統類以昭
德明法制以塞違薦禮百神賓懷獷俗嘉瑞美祥紛委
狎至置之而不有哲人端士運茹播職求之而已失然
後端拱於穆清怡神於靖冥驅一介為純誠接萬靈於
明庭斯又登邁邃古光昭閭見魏乎紹天統物之盛者
也微臣瑣賤沐浴仁聖敢獻歲星居心頌一章以備周
詩由虞由儀之闕頌曰

皇矣上帝降鑒下人后王承之制作禮文人用明德家
尚孝仁人無厲疵俗以阜蕃敷佑四方發為天祥重華
煌煌乃居明堂下煦仁澤上為祥光回復感通天人攸
同乃法五事乃建大中君君臣臣德輝昭融保祐命之
自天無窮微臣頌歌敢備惠風

伯夷頌

韓愈

士之特立獨行適於義而已不顧人之是非皆豪傑之
士信道篤而自知明者也一家非之力行而不惑者鮮
矣若至於一國一州非之右行而不惑者蓋天下一人

而已矣若至於舉世非之而不惑者則千五百年乃一人而已耳若伯夷者窮天地亘萬世而不顧者也昭乎日月不足以為明萃乎泰山不足以為高魏乎天地不足以為容當殷之亡周之興微子賢也抱祭器而去之武王周公聖也率天下之賢士從天下之諸侯而攻之未嘗有非之者也彼伯夷叔齊乃獨以為不可殷既滅矣天下宗周彼二子乃獨恥食其粟餓死而不顧由是而言夫豈有求而為哉信道篤而自知明也今世之謂士者一凡人譽之則自以為有餘一凡人沮之則自以為不足夫彼獨非聖人自是如此夫聖人乃萬世之標準也余故曰若伯夷者特立獨行窮天地亘萬世而不顧者也雖然微二子亂臣賊子接迹于後世矣

國